

黃氏逸書考

子史鈎沈

逸書考

何法盛晉中興書

附徵祥說

甘泉黃奭學

中宗元帝

中宗元皇帝諱睿字景文世祖咸寧二年生於洛陽初誕有神光之異一室盡明所籍蓍如始刈及長白毫生日角之左眼有青曜惟侍中譙國嵇紹見而異之謂其友曰琅邪王毛骨非常殆非人臣之相惠帝幸臨漳中宗

從駕是時中宗叔父東安王繇爲成都王穎
所害懼禍及謀出奔其夜月明禁衛甚嚴不
能得去有頃天暴風雨晦冥微者四散中宗
因得脫及遷鎮建業以顧榮爲軍司馬禮接
名豪設官分職隱恤士庶百姓歸心焉初性
好酒王導深以爲戒乃命左右進觴躬引覆
之自是不復飲也愍帝爲胡賊劉粲所沒中
宗素服山次舉哀三日於是百僚稱上尊號
帝固讓百僚又固請中宗慨然流涕曰吾本

琅邪王諸賢見逼不已乃呼私奴命駕將反

國羣臣不敢復逼乃求依魏晉故事爲晉王

許之愍帝崩於平陽百僚更上尊號是日卽

皇帝位

藝文十三又卷十引中宗元皇帝初誕有神光之異一室盡明所藉藁如

始刈

文選庾元規讓中書表注引中宗爲

鎮東將軍

鎮建業又于令升晉紀總論注引

中宗元皇帝諱睿字景文嗣爲琅邪王愍帝

崩於平陽

皇帝位書鈔卷二陳補引中

宗元皇帝初誕有神光之異引至毛骨非常

又卷九引覆觴不飲

晉元帝叔父東安王繇爲成都王穎所害懼

禍及謀出奔其夜月明禁衛甚嚴不能得去

有頃天暴風雨晦冥微者散帝乘間得脫至

河陽爲津吏所止從者宗典

案晉書本紀作宋典

後至

以馬鞭拂之謂曰舍長官禁貴人而汝被駐

耶因大笑由是被釋

御覽四百九十四

書

所止

元帝詔曰朕膺天符創基江左

文選王簡棲頭陀寺碑文

注

太興元年詔曰亢旱穀貴百姓嗷嗷有資者

貴糶貧羸之民益困漢世穀貴官賤糶使價

不超越謂之平準今雖無此可出邸閣米萬斛使三分減一以平其價令貧困者悉得足以至秋也

御覽三十五

東海王鉞妃哀痛越棺柩被焚乃招魂葬越於丹徒中宗以爲非禮下詔曰夫冢以藏形廟以安神今世招魂葬者是埋神也其禁之

御覽五百五十五又八百八十六

太興元年改丹陽內史爲丹陽尹

御覽二百五十一

元帝以佐命功封周玘爲烏程公又封王敦

武昌公

御覽二百

太興三年詔曰鹽者國之重利

書鈔一百四十六

鮮卑送璽

書鈔卷十

大旱經久太興四年四月始雨有奏應報賽宗廟山川中宗詔曰祈廟云報賽非奉尊上辭也吾意有疑以爲舊山川有所報故兩賽非大事不應告廟臣子無要君之道黷祭禩賽於禮有違

御覽五百二十九

王廙爲母立屋中宗流涕諫之所幸鄭夫人

袍無文繡其恭儉率下如此

御覽四百三十一書鈔一百

二十九引中宗所幸鄭夫人衣無文繡

御覽八百十五引同書鈔

御

中宗任刑法以韓子賜太子

書鈔一百一

肅宗明帝

明帝諱紹字道畿中宗踐祚卽尊號立爲皇太子東宮敬禮賢士昵近明德

初學記卷十

肅祖中宗長子也建武元年中宗爲晉王拜王太子及踐尊號爲皇太子冊曰於戲朕承天緒忝繼祖宗之洪基君臨於萬邦戰戰兢兢

兢兢涉冰淵未有攸濟自古聖王敷宅四海
莫不建立元子本枝百世今稽古授爾於儲
宮以陪貳於朕躬欽哉爾其克念乃祖日新
厥德何遠非佞何親非賢欽翼師傅以丕崇
大化可不慎與爾其敬之

御覽一百四十八

肅祖之在東宮與溫嶠庾亮並布衣之好御覽
四百七

明帝以平錢鳳功封王導始興公溫嶠建寧

公庾亮永昌公郗鑿南平公

案晉書本紀作侯

卞壺

建興公蘇峻邵陵侯

案晉本紀作公

劉遐泉陵侯

案晉

書本紀作公

應詹觀寧侯

案晉書本紀寧作陽

卞敦益陽侯

趙盾湘南侯

御覽二百

顯宗成帝

顯宗成皇帝諱衍字世根肅祖長子也卽位後蘇峻及祖約阻兵作逆詔庾亮卞壺距之戰於青谿壺等敗績壺死之亮奔江州其陶侃温嶠率衆討峻臨陣斬之

藝文十三

成帝以平蘇峻功封公者三人侯者八人又

以討郭默功封者三人

御覽四百

成帝詔封魏後曹勵爲陳留王

藝文五十一
御覽二百

一誤作元帝今據晉書本紀改

咸和六年會秀才於樂賢堂

書鈔七十九

成帝咸康元年詔曰有司條典虔奉郊祀燔
柴既饗芳氣清穆其赦天下令咸得自新

初

記二十一

康帝

康皇帝諱岳字世同成皇帝崩上卽位憂哀

不忍言政一委中書監庾冰

藝文十三

帝諱岳字世同成帝同母弟也成帝崩卽位
年二十二

世說方正篇注

孝宗穆帝

孝宗穆皇帝諱聃康帝子也建元二年康帝
疾篤左光祿大天領司徒謨尙書令恢等上
疏曰臣聞皇羲玄邈五帝攸往淳風澆散三
王傳嗣欲令國有常居民有定奉關諸盛衰
不易之道也伏惟皇子天挺奇表隆準豐下

岐嶷之姿彰於始年大成之風顯於期月宜
建立儲宮允副民望請下太史擇吉日告宗
廟備禮奉行奏可 御覽一百四十八

孝宗穆帝諱聃字彭子康帝崩乃卽位

文選
桓元

子薦譙元彥表注

孝宗穆皇帝諱聃字彭子康帝子也崩時年

十九 藝文十三

穆帝以平蜀功封桓溫臨賀公 御覽二百

穆帝升平二年詔曰伏飛督王饒忽上吾鳩

以辟惡此凶物豈宜妄進於是鞭饒二百使

殿中孫雲監臨於四衢道焚之

初學記二十四御覽九

百二十七引作烈宗詔曰大誤案烈宗是孝武帝據晉書本紀在穆帝升平二年三月故從初學記御覽引鳩下有鳥一口云四字殿中下有侍御史三字末作孫雲臨焚於四達之衢又六百四十九引烈宗作皇帝曰作使誤饒作鏡亦誤臨作監說郛五十九引二年下有二月二字鳩下有鳥一口云四字辟作避使殿中下有御史二字孫雲下作焚其鳥於四達之衢

穆帝詔曰實賴英宰淵謀

文選王仲實褚淵碑文注

哀帝

哀帝興寧元年詔庭燎樹端門內

藝文八十一
御覽八

百七十一

太宗簡文帝

康帝建元元年詔曰太常職典天地兼掌宗廟其爲任可謂重矣是以古今選建未嘗不妙簡時望兼收儒雅會稽王叔履尙清虛志道無倦優游諷議朕所諮仰其以王領太常本官如故

書鈔五十二
引無康帝二字

御覽二百二十八

太和元年詔曰會稽王體道沖虛理識明允

太宗簡文帝諱昱字道成中宗少子也母曰鄭夫人永昌二年封琅邪王咸和元年鄭夫人薨上時年七歲哀號守誠乞得服重朝議哀之故徙封會稽王康獻皇后臨朝建位撫軍大將軍錄尚書六條事二年驃騎將軍何充薨皇太后詔上內總萬機海西公卽位以琅邪王封絕復徙上爲琅邪王封王子昌平爲會稽王固讓不受太和元年十月詔以爲丞相尚書入朝不趨讚拜不名劔履上殿給

羽葆鼓吹班劍六十八人固讓不受海西公廢
於是大司馬温及百官進太極前殿具乘輿
法駕奉迎於朝堂變服著平巾幘單衣東向
拜受璽流涕卽位改太和六年爲咸安元年
乙卯廢太宰武陵王爲庶人二年七月上不

豫已未立皇太子昌明爲皇太子封皇子道
子爲琅邪王領會稽國是日帝崩於東堂在

位一年時年五十二

御覽九十九

藝文十

三引太宗簡文帝諱昱
字道方中宗少子也案晉書本紀簡文帝字
道萬書鈔一百三十一陳補引海西公廢

大司馬桓溫率百官具乘輿法駕奉迎簡文於會稽邸於朝堂變服著平巾幘單衣東向拜受璽綬

簡文詔曰祿不代耕非經通之制也

文選任彦升上

蕭太傅固辭奪禮啟注

孝武帝

烈宗孝武皇帝諱昌明中宗第三子也

藝文十三

泰元二年與滅繼絕故陳騫後浩之爲高平

公裴秀後球爲鉅鹿公王沉後朴之爲博陵

公荀勗後軌爲濟北侯何曾後闡爲閩陵侯

羊祜後法興爲鉅平侯

藝文五十一

武帝時

武上脫
孝字

甘露降公卿奏賀詔曰王侯

盛隆猶自戒勿休况自頃懸象告變盜賊充斥百僚司牧不能存職匪懈使道有寄雖麟

鳳未至慶有餘矣此道未弘雖四靈在郊吾

猶懼然何甘露之足賀其停之

御覽五百四十二
文選

任彥昇宣德皇后令引孝武詔曰誠存匪懈
治道有寄

孝武詔曰躬儉以弘下濟之惠

文選顏延年
車駕幸京口

侍遊蒜山作注

安帝

安皇帝烈宗長子也冊爲皇太子曰岐嶷表
於載誕克廣同乎大成是用命爾以登儲貳
初學記卷十一

義熙元年禁絹扇及携蒲
御覽七百二
類賦十四引元年
作中

安帝以興復功封劉裕等二十三人裕俱
封豫章公萬戶劉毅南平公五千戶
宋威公劉道規華容公
御覽二百

恭帝

詔曰大司馬地隆任重親賢莫貳

文選任彥升齊竟陵

文宣王行狀注原文詔上有恭帝二字案晉書本紀安帝時恭帝拜大司馬領司徒此詔在義熙十二年是安帝詔琅邪王德文大司馬卽指恭帝非恭帝詔也

謝夫人

謝夫人名玖家本貧賤又以屠羊爲業玖清惠貞正有淑姿選入後宮爲才人

御覽一百四十五

元夏侯太妃

中宗母王太妃夏侯氏字光姬一字銅環太

妃爲恭王妃生中宗王薨中宗嗣立稱王太妃永嘉元年薨還葬琅邪

御覽一百五十一

元敬虞皇后

元敬皇后虞氏字孟母濟陽外黃人也祖壽撫軍大將軍掾父豫太傅參軍中宗之爲琅邪王納后爲如豫妻王氏爲邢陽縣君從母

散倚常侍新野王罕妻爲平陽縣君

御覽二百二

一百五十一引無祖壽至參軍十四字納后爲如如下無豫妻王氏至平陽縣君二十五字有永嘉六年薨五字案邢陽晉書列傳作邢陽

荀豫章君

肅宗太妃豫章恭惠君荀氏初以微入宮生肅祖中宗以母賤命虞妃母養肅宗而出嫁荀爲馬氏妻太寧元年馬氏無疾而卒肅宗迎母還宮養稱建安君追贈豫章君諡曰恭惠

御覽二百二

明穆庾皇后

明穆皇后庾氏諱文君左將軍琛之第三女也后少以珪璋特異令儀淑美故中宗爲肅

宗納焉初爲世子如仁和有禮深見敬重后
生顯宗成皇帝顯宗卽位尊后曰皇太后羣
臣奏天子幼冲宜依漢和熹皇后故事后辭
讓數四不得已遂臨朝攝萬機蘇峻作逆王

師敗績后以憂逼崩時年三十二

御覽一百三十八

晉書二十三引天子幼冲攝萬機臨朝稱制
又引臨朝攝政以寧天下又二十四引仁和
有禮又引珪璋特異今儀淑美

穆皇后庾氏字文君左將軍琛第三女贈琛
爲車騎將軍母邱氏封安陽縣君從母荀氏

永宣縣君

御覽二百二

策明穆皇后曰正位閨房以著協德之義

文選

謝玄暉齊敬皇后哀策文注

成恭杜皇后

成恭皇后杜氏陵陽京兆人也母裴氏爲廣

德縣高安鄉君賜錢百萬布五百疋

御覽二百二

成帝贈后母裴氏爲安樂鄉君

書鈔四十八案晉書列傳

作廣德縣君

康獻褚皇后

民國甲戌

可去卷首口其書

十三江都朱氏

康獻皇后褚氏字蘇子

案晉書列傳作蘇子

太傅哀之

女也后聰門有器識以名家女入爲琅邪王

如生孝宗穆皇帝孝宗卽位尊后曰皇太后

泰元元年太后詔曰皇帝婚冠禮備遐邇宅

心宜當陽親覽緝熙惟始今歸政事率由舊

典於是復稱崇德太后九年崩於顯陽殿御覽

一百三十八又一百五十一引康獻皇后褚氏字蘇子太傅哀之女也后以名家女爲琅邪王如生孝穆皇帝

康獻皇后褚氏太傅哀之女封母謝氏爲尋

陽縣君 御覽二百二

穆章何皇后

穆章皇后何氏字法倪

案晉書列傳字作諱

司空充之

女追贈父充光祿大夫封晉興侯母孔氏長

樂鄉君

御覽二百二

案晉書列傳何皇后

準字幼道穆章皇后父也兄充爲驃騎將軍勸其合仕年四十七卒升平元年追贈金紫光祿大夫封晉興縣侯則此條所云司空充之女云云有誤

當是名家膺選

書鈔二十三引名家應運

哀靖王皇后

民國甲戌

可上卷至丁巳事

十四江鄂宋天

哀靖皇后王氏字穆之

案晉書列傳字作諱

司徒左長

史濛之女也初爲琅邪王如哀帝卽位拜爲

皇后追贈父濛金紫光祿大夫封晉安縣侯

母爰氏爲安國鄉君

御覽二百二正篇注引王濛

世說方女諱穆

之爲哀帝皇后

廢帝庾皇后

海西皇后庾氏字道鄰

案晉書列傳字作諱

司空冰女

也初爲海西王如海西卽位拜爲皇后泰和

元年崩葬敬平陵帝廢追贈海西公夫人無

子相覽一百五十一

簡文宣鄭太后

簡文宣皇后

當作皇太后

鄭氏諱阿春滎陽人先

適田氏生一男夫亡后依於舅吳氏中宗爲丞相敬后先崩將納吳氏女爲夫人后及吳氏女並遊後園有見之者言於中宗曰鄭氏女雖嫠賢於吳氏遠矣遂以德色納爲夫人甚有寵后雖貴幸而恒有憂色中宗問其故對曰妾有妹中者適長沙王褒餘二妹未出

恐姊既爲人妾無復求者中宗從容謂劉隗

曰鄭氏有二妹卿可求佳對使不失舊隗舉

其從子傭娶第三者以小者適漢中李氏皆

得舊門帝稱尊號后雖爲夫人詔太子及東

海武陵王皆以母事之帝崩后稱建平園夫

人咸和九年薨

御覽一百三十八又一百四十四引宣皇后下有鄭氏二

字諱作字田氏上有渤海二字依舅下有濮陽二字養下有居字引至甚有寵

鄭太后字阿春滎陽人少孤先嫁田氏夫亡

依舅吳氏中宗敬后虞氏先崩將納吳氏后

與吳氏女遊後園有言之於中宗者納爲夫
人甚寵生簡文帝卽位尊之曰文宣太后世說
方正篇注

簡文順王皇后

簡文皇后王氏字蘭姬

案晉書列傳字作
諱蘭作簡疑誤

后

以冠族太宗納焉初爲會稽王妃生子道生
爲世子並失太宗意后及道生俱被幽廢以
憂薨烈宗踐祚追尊曰順皇后

御覽一百五十一

簡文順皇后王氏字蘭姬驃騎將軍述之再

從妹贈前夫人成氏東豐縣君後夫人成氏

東興君

御覽二百二案晉書列傳王皇后父

還

孝武文李太后

孝武太后李氏以微賤入爲會稽王宮人夢

兩龍抗膝入懷太祖異而召之生烈宗

藝文九十一

入案入懷上脫日月二字

書鈔二十三引

夢龍枕膝案藝文抗膝當作枕膝

夢月入懷

書鈔二十三案晉書列傳夢兩龍枕膝日月入懷

孝武定王皇后

孝武定皇后王氏字法惠

案晉書列傳作諱法慧

寧康

三年

原作五年
從晉書改

中將軍桓沖侍中臣康

二字
誤

奏晉寧太守王蘊女天性柔順惠心淵塞儀
度既同四業允備且盛德之兆美善先積參
議可以配德乾元恭承宗廟貞靜六宮母儀
天下故烈宗納焉后性嗜酒驕妒帝深患之
乃召蘊於東堂具說后過狀令加訓誡蘊免
冠謝焉后於是少自改飾太元五年崩

御覽
一百

三十八

世說

方正篇注引王蘊女諱法惠
爲孝武皇后 書鈔二十四引惠心淵塞

安德陳太后

安德太后陳氏松滋人也諱歸女父廣以倡
進仕至平昌太守后以美色能歌彈入宮初
爲淑媛生安恭二帝太元十五年薨贈夫人
追崇曰皇太后 御覽一百三十八

齊王攸

齊王攸爲司空行太子太傅事 書鈔六十五

琅邪王裒

元皇以明帝及琅邪王裒並非敬后所生而
謂裒有成人之度勝於明帝因從容謂王導

曰立子以德不以年今二子孰賢導曰世子
宣城俱有爽明之德莫能優劣如此故當以
年於是更封裒爲琅邪王

世說方正篇注

東海王沖

東海王沖爲長水校尉年十一高選綱佐以
劉軌爲司馬顧和爲主簿

書鈔六十一

武陵威王晞

武陵威王晞爲桓溫所收忠敬王少子也被
廢後新安王遵初封新寧王年十二受拜流

涕哀感左將軍桓伊嘗造遵遵怒門人曰何
通桓氏門人曰桓伊與桓溫疏宗相見無嫌
遵曰我聞人姓木邊便欲殺之况諸桓乎由
是少稱聰察及長輒凡退無復名望御覽一
百五十
一案遵是晞少子
書鈔七十引武陵王晞
受拜流涕誤

南頓王宗

南頓王宗字延祖拜左衛將軍爲肅祖所昵

委以禁旅

御覽二百三十七

會稽王道子

烈宗世會稽王輔政於府內園中穿池鑿山池之間處處有奴婢肆酷賣肉於其中子將見幸乘船至酒肆輒攜入肆買酒肉必如市廛以爲笑樂

御覽八百二十八引中
徵祥記

會稽文孝王以錄尚書六條開府領司徒又領揚州錄尚書事公卿奏進位丞相揚州牧

黃鉞羽葆

書鈔五十九
稽王道子進位丞相牧揚州假黃

鉞文六十八引
黃

鉞

武陵王令曰丞相墳翳然飄薄非所

文選
季友

宋八、修楚元王墓教注案晉書本傳道子死
後武陵王遵承旨下令云云

譙王承

譙閔王承字敬才爲兩州刺史帝謂承曰湘
州南楚險固在上流之要控三州之會是用
武之國也今以叔父居之

書鈔七十二

譙王承鎮湘州至武昌釋軍備見王敦敦因
宴集謂承曰大王雅素佳士非將帥才也承
曰公未盡耳安知鉛刀不能一割承以敦欲
測其情故發此言敦果謂錢鳳曰彼不知懼

而學壯語此之不武何能為聽承之鎮御

五十一

譙王承為湘州刺史王敦遣參軍桓胤說承以劉隗專寵令討之請承為軍司承嘆曰吾其死矣地荒民尠勢孤援絕赴君難忠也死王事義也死忠與義亦復何求便唱義聚眾府長史長沙人虞悺慷慨有志節共盟誓囚桓胤馳檄湘州於是一州之內並皆同赴御

四百十七

譙王無忌

褚裒爲江州無忌於坐拔刀斫者之裒與裒
景共免之御史奏無忌欲專殺害詔以贖
世說仇隙篇注

譙王恬

晉宗室譙王恬爲御史中丞值海西公廢
宗卽位未解嚴大司馬桓温屯中堂夜
角恬奏劾温大不敬請理罪明日温見
嘆曰此兒乃敢譙我真可畏也

書鈔六十一

陳補引大司馬桓溫屯軍中堂夜吹警角
史中丞司馬恬奏劾大不敬請治罪溫見奏
嘆曰此兒真可畏也御覽二百二十六引
譙王恬字元逾爲御中丞同書鈔六十一
二又三百三十八引同書鈔一百二十此兒
下有乃敢彈我四字初學記十二引王恬
上脫譙字同御覽二百二十六說郭五十
九引譙王恬字元愉爲御史中丞至末下有
恬忘正有器局在朝憚之十字

臨海公主

臨海公主惠帝第四女羊皇后所生初封清
河公主未出適值永嘉亂傳賣長城民錢溫
溫以送女女遇主甚酷主自告吳興太守周

禮以聞於是殺温及女適譙國曹統

藝文十六

御

覽一百五十二

初學記卷十引至值永嘉

亂無第四二字

南康宣公主

南康宣公主與男明帝長女庖后所生初封

遂安縣主適桓温

御覽一百五十二

新安愍公主

新安愍公主道福簡文第三女徐淑媛所生

適桓濟重適王獻之

御覽一百五十二

王祥

初魏徐州刺史任城呂虔有佩刀工相之以爲必三公可服此刀虔謂別駕王祥曰苟非其人刀或爲害卿有公輔之量故以相與祥始辭之固強乃受祥爲司空祥死之日以刀授弟覽曰吾兒皆凡汝後必與足稱此刀故以相與覽後奕世賢興於江東御覽三百四十五又二百六十三引無祥爲司空四字引至足稱此刀故以相與又四百四十三引同二百六十三無任城二字文選任彥升王文憲集序注引至足稱此刀故以相與無祥始辭之至司空十二字祥死之日上有及字書鈔一百二十三引至固強乃受呂虔上無任城二字

初學記二十三引至固強乃受
十引至御有公輔之量故以相與

藝文六

王覽

王祥弟覽生導導生洽洽生珣珣生曇首

選文

任彥升王文憲集序注又爲蕭揚州作薦士表注

羊祜

羊祜字叔子遷中領軍悉統宿衛入直殿中
事兼內外 御覽二百四十

杜預

杜預在內七年損益不可勝數朝野稱之號

曰杜武庫言無所不有

御覽四百九十五

衛瓌

衛玠兄瓌時爲散騎侍郎內侍懷帝玠以天下將亂移家南行母曰我不能捨仲賢而去也玠啟喻深至爲門戶大計母涕泣從之臨別玠謂瓌曰在三之義人之所重今可謂致身命之日兄其勉之乃持將老母轉致豫章而洛城失守瓌沒焉

御覽四百八十九

衛玠

衛玠字叔寶常以人有不及可以情恕非意

相干可以理遣故終身不見其喜愠

御覽四百三

文選任彥升齊竟陵文宣王行狀注引常以
人有不及至理遣又引衛玠終身不見其愠
喜此句又見王仲寶褚淵碑文注

荀勗

荀勗字公曾徙中書監爲尚書令人賀之乃

發恚云奪我鳳皇池卿諸人何賀我邪

文選任彥

升王文憲集序注又謝玄暉直中書省詩注
引無字公會二字又范彥龍古意贈王中書
詩注同

荀闈

荀闈字道明有清操京師爲之語曰洛中英
英荀道明大司馬齊王問辟以爲丞御覽二
百四十九

程據

程據爲太醫令武帝初受魏禪改元爲太始
而據貢雉頭裘帝以奇伎異服典禮所禁焚
之於殿前據以醫術承恩出入禁闈因爲賈
后合巴豆杏子丸害愍懷太子遂就戮焉說
郢

賈謐

魯公賈謐參管朝政京洛人士無不傾心渤海石崇之徒年皆長謐並以文才降節事謐其相朋昵號曰二十四友

御覽四百七

劉寔

劉寔字子真平原高唐人少貧其糠飯繩索作衣賣手繩口誦

御覽四百八十四

劉寔長不滿七尺精學不倦雖居官職至於

皓首手不釋卷

御覽六百十一

山濤

山濤飲酒至八斗方醉帝欲試之乃以八斗
密益其酒濤至本量而止

書鈔一百四十八

郭舒

郭舒大將軍王敦以爲從事中郎會敦討劉
隗切諫敦大怒曰人中間言卿癡故炙卿眉
頭今疾復發耶勿復語也舒曰明公聽舒一
言舒聞古之狂也直周昌汲黯朱雲皆不癡

民國甲戌

可去蓋晉中興書

二五江都朱氏

也昔堯立誹謗之木舜懸敢諫之鼓公爲勝
堯舜耶而乃折舒使不得言敦默然御覽二百三十

鄭默

鄭默字思元轉光祿勳寬冲博受不以聲色
矜人雖卒徒廝養之人皆遇以恩御覽二百二十九

盧諶

劉粲悉害諶父母文選劉越石答盧諶詩注引何法盛晉錄

傅玄

傅玄盛書有青縑表布表絹表書鈔一百四
御覽七百

一引盛書阜縑囊書函中皆有香囊二案此
條無所屬疑亦傅玄事故附於此

阮孚

阮孚字遙集咸子也避亂渡江中宗以爲安東參軍蓬髮飲酒不以王務嬰心御覽二百四十九

孚風韻疎誕少有門風初爲安東參軍蓬髮

飲酒不以王務嬰心世說賞譽篇注

阮放

阮放與從弟孚齊名在銓管之任甚有稱譽

民國甲戌

可去聲晉書

二六江都朱氏

性清儉終不治產爲吏部郎不免飢乏王導
庾亮以其名士供給衣食放由是得立藝文
入御覽二百十六引齊名下有爲吏部郎
四字無在字清儉作清約終不治產作不理
產業下無爲吏部郎四字書鈔六十引阮
放爲吏部郎在銓管之任以下同御覽稱譽
作稱績得立作得仕

阮裕

裕甚精論難 世說文學篇注

阮裕少有至行王敦聞其名召爲主簿知敦
有不臣之心縱酒昏酣不綜其事 世說賞譽
篇注

裕以人不須廣學正應以理讓爲先故終日
頽然無所修綜而物自宗之世說品藻篇注
又方正篇注引
裕終日頽然無所錯綜而人自宗之

謝鯤

謝鯤字幼輿弱冠知名值中朝大亂長沙王
又輔政親媚小人忌害君子時疾鯤名譖之
又遂執欲鞭之鯤解衣服鎖曾無動容又異
而釋之又無喜色御覽六百四十九

王澄

民國甲戌

何法盛晉中興書

毛江都朱氏

王澄嘗之荊州送者傾邑所別處樹上有鵲
巢澄便脫衣著犢鼻上樹探鵲驚而弄之旁
若無人

御覽四百八十七

胡母輔之

胡母輔之嘗過河南門下飲酒門下騶王子
博箕坐其傍輔之叱之使取火子博曰我卒
也不乏吾事薦之河南尹樂廣召見甚悅擢
爲功曹

御覽二百六十四

胡母輔之子謙之醉與父語常呼父字輔之

亦不怪也嘗規輔之厲聲曰彥國年老不得
爲爾將令我尻背東壁輔之遽呼入與其飲
酒其爲放達如此

御覽三百七十六

胡母輔之等共飲酒散髮裸裎閉戶不接外
客

書鈔一百四十八

畢卓

畢卓字茂世新蔡人少放達泰興末爲吏部
郎常飲酒廢職比舍郎釀熟卓因醉夜至其
甕間取酒飲之掌酒者不察執而縛之郎往

民國甲戌

何法盛晉中興書

元江都朱氏

視乃畢吏部也遽釋其縛卓遂引主人宴於

甕側取醉而去卓嘗謂人曰右手持酒杯左

手持蟹螯拍浮酒池中便足了一生藝文四

御覽二百十六又四百九十七引畢卓字茂

世爲吏部郎比舍郎釀熟卓因醉夜至其甕

間取酒飲之掌酒者縛卓郎往視之釋縛宴

於甕側取醉而去事類賦十七引太興末

畢卓爲吏部侍郎比舍郎釀酒熟卓因醉夜

至其甕側取酒飲之掌酒者謂是盜執縛之

郎往視之乃畢吏部也卓遂引主人燕於甕

側取醉而去藝文二十六引畢卓爲吏部

郎常謂人曰右手持酒杯至末又七十一引

畢卓嘗謂人曰右手持酒杯云云初學記

二十六引畢卓嘗謂人曰云云

畢卓字茂世新蔡人少傲達爲胡母輔之所
知太興末爲吏部郎嘗飲酒廢職比舍郎釀
酒熟卓因醉夜至其甕間取飲之宅者謂是
盜執而縛之知爲吏部也知上有脫字釋之卓遂
引主人燕饗側取醉而去溫嶠素知愛卓請
爲南平長史卒世說任誕篇注

王尼

胡母輔之字彥國少高名有王尼者出寒微
輔之庾嶺王澄等共爲美談尼以門役送護

軍府輔之等乃齎羊酒詣門吏以聞護軍曰
諸名士以羊酒來當有以旣入先過尼尼已
給府養馬輔之等坐殿下與尼炙羊飲酒而
去竟不見護軍大驚乃與尼長假

御覽四百七

王尼洛陽傾覆避亂江夏王澄時爲荊州刺
史見尼欣然厚供給之尼常嘆滄海橫流無
安處早喪婦止有一息不用居宅惟畜露車
牛一乘每行輒使兒御詣人暮則宿車上無
補定處少時澄卒荆土飢荒尼求食不得乃

殺車牛煮食之遂父子餓死御覽七百七十五又四百八十六引王尼下有字季孫三字無常嘆滄海橫流無安處九字乃殺車牛煮食之作殺牛壞車煮之

羊曼

羊曼字祖延頽縱宏狂飲酒誕飾與溫嶠庾亮桓彝同志友善並爲中興名臣時州里稱陳留阮放爲宏伯高平郟鑿爲方伯泰山胡母輔之爲達伯濟陰卞壺爲裁伯陳留蔡謨爲朗伯陳留阮孚爲誕伯高平劉綏爲秀伯

何法盛晉中興書

補刊

案晉書

而曼爲黠伯

案晉書

凡八伯蓋擬古

之八雋

御覽四百七

羊聃

兖州既有八伯之號其後更置四伯大鴻臚
陳留江淵以能食爲穀伯豫章太守史疇以
太肥爲笨伯散騎侍郎高平張疑以狡妄爲
猾伯廬陵太守羊聃以狠戾爲璫伯蓋擬古
之四凶御覽三百七十八原作羊曼誤案晉書廬陵太守是羊聃聃是曼弟此條
所說卽在羊聃傳下故據以改正

光逸

光逸字孟祖爲博昌小吏令使他往冒雨還令不在逸解衣入寢被衾中令還詰之逸曰衣單冒雨如不易衣必致凍死何惜一被而殺人也令奇之而不問

書鈔一百三十四

胡母崇

胡母崇爲永康令多受貨賂政治苛暴詔都尉頓鞭一百除名爲民

御覽六百五十二

庾純

庾純清粹忠正才經治亂其以純爲河南尹
書鈔七十六

郟詵

案晉書列傳作郟詵

郟詵爲尙書左丞推吏部尙書崔洪洪曰我
舉詵丞而還奏我此謂挽弩自射詵曰趙宣
子任韓厥爲司馬而厥以軍法戮宣子僕崔
洪爲國舉才我我才見舉唯官是視各明至
公何故其言乃至於此洪聞言而悅服之
書鈔

六十

華譚

華譚字令思生未朞而父歿母年十八執節鞠養譚弱冠知名揚州刺史周浚禮辟署從事史愛其才器以爲賓又御覽二百六十五

華譚字令思少以言語清辨知名除太子舍人書鈔六十六

華譚爲秘書監時晉陵朱鳳吳郡吳震等以單族二人並有史才白首衡門後譚知之薦

二人擢補著作佐郎並皆稱職初學記十二書鈔五十二

七引無末四字 御覽二百三十四引單族
作單寒無後知之三字

華譚所友人袁甫者字公胄歷陽人少能言
議與譚齊名友善太安中入洛譚與甫書曰
詎以枯澤非應龍之淵棘林非鸞鳳之窟昔
食其自匿衡門非高祖不長揖孔明躬稼南
陽非劉氏不馳驅望雲霄而偶翮見鴻漸之
輕羽瞻長塗而高鳴知騏驥之迅足

御覽四
百七

袁甫

華譚所友袁甫者字公胄歷陽人少能言議

與譚齊名友善太安中入洛詣中領軍何勗
自言能治劇縣勗曰君子治應多宜何以唯
欲宰民何不爲一臺職乎甫曰人各有所能
否譬由錦繒中之好而不可以爲帽稻食中
之好而不可以爲齋是以孔子曰及其使人
也器之苟非大才何能悉備久之除松滋令
御覽二百六十六

孫統

孫統字承公太原人善屬文時人謂其有祖

楚風仕至餘姚令

世說品藻篇注

承公少誕任不羈家於會稽性好山水及求
鄞縣遺心細務縱意遊肆名阜勝川靡不歷
覽

世說任誕篇注

孫綽

綽字公興太原中都人少以文稱歷太學博士
大著作散騎常侍

世說言語篇注

孫綽爲散騎常侍領大著作轉廷尉著作
故於時才筆之士綽爲其冠故溫王郗庾

薨必須綽銘而後刊石

初學記十二孫興公遊天台

文選

注引孫綽字興公太原人也爲章安令稍遷散騎常侍領著作郎尋轉廷尉卒於時才筆之士綽爲其冠御覽二百三十四引孫綽爲散騎常侍領大著作時才筆之士綽爲其冠

周訪

中宗之爲安東取周訪爲參軍在散輩中未之識也府進鎮東訪隨例爲參軍時府參軍譙國周訪有罪當死誤收訪訪自列無罪而吏不察訪窮蹙乃身自執使仗奮擊收捕數

民國甲戌

何法盛晉中興書

三西江都朱氏

十人皆被創披散訪得逸走歸府中宗聞大
驚怒不問格鬪之罪

御覽二百四十九

周訪字士達尋陽人遷武昌太守時杜弢作
亂豫章訪進討別帥杜弘張彥等邀訪訪爲
流矢所中折齒口中流血壯氣益勇先登奮
擊臨陣擒彥殺數百人

御覽四百三十五

孟觀

觀從十亭北出何憚領二萬人以繼之雍圍

解

文選潘安仁關中詩注

劉琨

祖逖與劉琨中夜而坐相謂曰若四海鼎沸
豪傑並起吾與足下相避於中原後琨與親
舊書曰吾枕戈待旦志梟逆虜常恐祖生先
入著鞭耳 御覽三百五十九

石勒攻樂平劉琨自代飛狐口奔安次 文選

諒答魏子悌詩注 寰宇記河東道蔚州飛
狐縣引建興中劉琨自代出飛狐口奔於安
次

劉琨連名力勸進中宗嘉之 文選劉越石勸
進表注

祖逖

建興初祖逖進說曰晉室之亂非上無道而
逃民怨叛也由藩王爭權自相誅滅遂使戎
狄乘隙毒流中原今天下旣被殘酷遺黎思
本人有奮擊之心但悉無所憑依大王誠能
命將使若逖等執殳前驅上爲國家雪恥下
爲百姓請命則郡國豪傑必因風嚮起沉溺
之民欣於來蘇也灑掃中原清復寰宇此千
載之一時願大王圖之中宗於是始欲疆理

神州御覽四百六十二

中宗以祖遜爲前鋒都督徑北渡江中流誓
曰祖遜不清中原而復濟者有如此江
藝文三十三

祖納

祖納有操行能清言文義可觀遷東宮舍人
書鈔六十六

祖納字士言少持操行能言名理遷右光祿
大夫御覽二百四十三

郭默

郭默爲右軍將軍默既遠人樂爲邊將不願
內轉謂劉楨曰我能衛胡而不用吏用虛名
者且右軍主禁兵不妄出有急方更配給兵
將無素是謂棄之安得不亂

御覽二百三十八

劉楨

劉楨謂邵續曰莫若亢大順以激義士之心
奉中正以厲軍民之志

文選任彥升百牒勸
進今上賤注

王導

中宗爲安東將軍鎮下邳請王導爲司馬軍國之事無不諮訪中宗遷鎮建康導爲司馬委以政事於時朝野傾心號曰仲父導忠於事上達於從政以百六之弊寄寓江左爲治之本務在清靜

御覽二百四十八

中宗渡江王導羣從同心翼戴時人語曰王與馬共天下

御覽四百九十五

王導謂從兄敦曰王仁德未著而名位猶輕兄威名日已振宜有以共相匡舉會二月三

口中宗出禊乘肩輦敦導並騎從紀瞻使人
覘之既聞敦導騎從乃大驚自出拜於道左

中宗從容謂導曰卿吾之蕭何也

藝文卷四
御覽三

十

說郛五十九猶經作憂疑兄下無威字

元帝登尊號百官陪位詔王導升御坐固辭
然後止

世說龍禮篇注

中宗卽尊號時賜諡多由封爵不考德行王
導上疏曰臣聞大行受大名小行受小名名
與實稱不誣而已近代以來惟爵得諡武貞

牙門有爵必諡卿校常伯無爵悉不賜諡甚
失制諡之本今中興肇建勲德兼被宜深體
前訓使行以諡彰豈可限以有爵中宗納焉
自後公卿無爵而諡自導始也御覽五百六十二原王導
誤作王遵 書鈔九十四陳補引 藝文四
十引無上疏二字無大行至而已十八字無
豈可限以有爵六字

王導爲驃騎將軍揚州

下脫刺史二字

領中書監錄

尚書事時中丞熊遠尚書周顛等爲有司所
奏導上疏請免錄中宗令曰卿恒總萬機何

解錄除節而已

書鈔五十九原導字訛作遵案晉書王導列傳有後坐事

除節語卽此事

元帝性嗜酒王導深以爲誡帝常賜導酒導

舉賜觴躬引覆之

書鈔一百四十八條疑誤

案此

王敦上疏曰導動靜顧問起予聖懷

文選沈休文齊

敬安陸昭王碑文注

導從兄敦舉兵討劉隗導率子弟二十餘人

旦旦到公車泥首謝罪

世說言語篇注

於是風塵自消內外輯穆

世說雅量篇注

明帝后庾氏爲皇太后九月癸丑皇太后臨

朝稱制司徒王導錄尙書事

藝文四十八
御覽二百十引

癸丑作癸卯

王導以驃騎將軍儀同三司領太子太傅

書鈔

六十五

顯宗嘗使太常丞張放歸牂於王導詔無下

拜導不敢當辭以疾初顯宗幼沖見王導輒

拜書鈔八十五 御覽五百四十二

初顯宗幼沖見王導恒拜又帝與導手詔則

石渠五經曰與書
曰敬白中書作詔則曰敬問於是以為永制
書鈔一百三、御覽五百九十三

王導薨詔給九旒輜輶車黃屋左纛前後羽葆鼓吹挽歌兩部虎賁班劍百人中興名臣莫與爲比也
御覽五百五十四

王悅

王悅字長豫丞相導長子也仕至中書侍郎
世說德行篇注

王悅弱冠有高名每侍講東宮以清和著稱

除散騎侍郎 書鈔五十六

王恬

王恬字敬豫與濟陽江彩俱善奕爲中興第一
御覽七百五十三彩誤作霖 說郛五十一
九引奕下有棋字

王洽

王洽字敬和王導諸子中最知名與潁川荀
羨俱有美稱弱冠除散騎中書郎 書鈔五十一
八世說
賞譽篇注引洽於諸子中最知名至美稱

王洽字敬和丞相第三子累遷吳郡內史爲

士民所懷拜中領軍加中書令不拜年三十

六而卒

世說賞譽篇注

顯宗加王洽中書令帝曰敬和清裁貴重昔

爲中書郎吾時尙小數呼見意甚親之今以

爲中書令欲其講文章之事也

藝文四十八案晉書列傳

在穆帝時檢穆帝二歲卽位歷永和十二年

又歷升平五年年不過十九歲不得作書吾

時尙小語當以顯宗爲是 初覽二百二十

引王洽字敬和明帝曰敬和清才貴令至

同藝文清裁下脫貴重二字 初學記十一

引王洽字敬和明帝曰敬和清才貴令至

講文章案作明帝誤

王劭

劭美姿容持儀操

世說容止篇注

王珣

王珣字元琳弱冠與謝立俱辟大司馬桓公

掾温語人曰謝掾年三十必擁旄仗節王掾

當作黑頭公皆未易才也

御覽四百四十三又二百四十九引

無字元琳三字謝立上有陳郡二字大司馬桓下脫公掾二字

王珣爲桓温三簿三軍文武數萬人悉識其

面 御覽三百六十四

王珉遷中書令詔曰新除侍中王珉才學廣
瞻理識清通宜處機近以參時務其以珉爲
長兼中書令

書鈔五十七

王謚

謚字雅遠丞相導孫車騎劭子有才器襲爵

武剛侯位至司徒

世說文藻篇注

劉弘

鎮南將軍劉弘以陶侃爲長史謂侃曰我昔
爲羊太傅參軍羊公見語曰君後當居身處

我今相察亦復然也

御覽二百四十九

陶侃

陶侃少漁雷澤夢生八翼飛至天門而不入
相者師珪曰君位當上公爲八州都督

御覽七百二十九

陶侃爲郡主簿太守張夔妻病遠迎醫天正
寒雪諸綱紀皆難之侃獨曰資於事父以事
君小君猶母也安有父母之病而不盡心乎
乃請行衆咸服其義

書鈔七十二陳補

教愚子博奕紂所造諸君國器何以爲此若
王事之暇患邑邑者文士何不讀書武士何

不射弓談者無以易也

世說政事篇注

文七十引陶侃爲荆

州見佐史博奕戲具投之於江曰圍棋堯舜以教愚子博殿所造諸君並國器何以此爲

御覽七百五十三引同藝文此爲作爲此

一作爲牧猪奴戲

陶侃領江州刺史鎮武昌課種柳都尉夏施
夜盜拔郡西門柳爲己所種後因駐車施門
問此是郡西門柳何以盜種施怖謝罪時人

譚之

良字重江浦西道壽州武岡縣

陶侃明識過人武昌道種柳人有竊之植於

其家侃見而識之問何以盜官柳種於時以

爲神

藝文八十九 御覽四百三十二引道

作何以盜官所植乎又九百五十六引道

柳作道上通種楊柳官柳種作官所種

陶侃曰公經德秉哲謀猷弘遠

文選任彥升齊竟陵文宣

王行狀注案此語似謂王導俟檢

温嶠

温嶠字太真

文選盧子諒贈崔温注引何注盛晉錄

嶠有儁朗之目而不拘細行

世說任誕篇注

溫嶠拜太子中庶子嶠在東宮特見嘉寵僚屬莫與爲比嶠與阮放等共勸太子遊談老莊不教以經史太子甚愛之數規諫諷議從二百四十五

溫嶠拜中庶子在東宮甚見嘉寵莫與爲比數規諫諷議又獻侍臣箴甚有補益太子起西池樓觀頗多勞費嶠口疏切諫太子焉藝文四十九初學記卷十引溫嶠子中庶子數規諫諷議又獻侍臣箴甚有補益

王敦欲謗帝以不孝於衆坐明帝罪云温太
眞在東宮久最所知悉因厲聲問嶠謂懼滅
必與己同嶠正色對曰鈞深致遠小人無以
測君子當今諒闇之際有至性可稱敦默然
不悅然憚其居正不敢害之

御覽四百十五

温嶠知王敦不可復諫乃潛謀滅之先夙夜
綜其府事而附其欲錢鳳敦所信也嶠謂人
曰錢世儀精神滿腹嶠素有知人之稱鳳聞
而悅之深結好於嶠會丹陽尹缺嶠說敦曰

京尹輦轂喉舌宜得文武兼之公宜自選其
才敦然之問嶠誰可作者嶠曰愚謂錢鳳可
用然茲之在公敦思惟良久曰無復勝君嶠
卽苦辭敦不從表補丹陽尹猶懼錢鳳爲之
奸因敦置酒與嶠別嶠曰違離宇下情戀不
已願自起行酒以表歧路之心行酒至鳳亦
飲嶠因僞醉以手板擊鳳幘爲之墜作色曰
錢鳳何人温太真行酒而敢不飲鳳不悅敦
以爲醉而釋之明日鳳曰嶠與朝廷甚密未

必不可信或懷反噬宜更思之敦曰太真非
小加聲色豈得以此相詭貳由是鳳謀不行
而得還都 御覽四百九十四

溫嶠密啟肅祖陳王敦敦聞曰果爲小物所
欺乃募有能生得嶠者吾當手拔其舌 御覽
三百六十七

溫嶠代應詹爲江州刺史持節都督平南將
軍鎮武昌達於治道軍人稱頌獎厲風俗 書
七十二陳補

肅祖以溫嶠爲散騎常侍太寧初手詔曰卿
既以令望忠允之懷著於周旋且文清而旨
達宜居深密今欲以卿爲中書令朝端亦咸
以爲宜

藝文四十八

侍下有侍講二字 御覽二百二十五常

蘇峻反溫嶠推陶侃爲盟主侃西歸嶠說侃
曰天子幽逼社稷危殆四海臣子肝腦塗地
嶠等與公是致命之秋事若克濟則臣主同
祚如其不然身雖灰滅何以謝責於先帝今
日之事義無旋踵騎虎之勢可得下乎公若

違衆獨反衆心必沮沮衆以敗事義旗將
指於公矣侃無以對遂留不去

御覽四百六十二

初温嶠葬豫章朝議以嶠首受顧命功濟社稷
稷宜還陪陵官爲起家太尉侃上疏停其葬
葬詔從之至嶠後妻何氏卒便載嶠喪還都
詔令葬建平陵北並贈嶠二妻王氏何氏
安夫人印綬云

御覽五百五十四

邈鑒

鑒少好學博覽雖不章句而多所通綜

世說新語

篇注

中原喪亂鄉人遂共推郗鑒爲主與千餘家
俱避難於魯國嶧山山有重險百姓飢饉野
無青草時或掘野鼠蟄燕而食之

藝文九十一
御覽

九百二十二
說郛五十九引此字不重
草作生草無時或二字

中宗初鎮江右假郗鑒龍驤將軍兗州刺史
徐龕石勒左右交侵鑒收合荒散保固一也

隨宜抗對百姓飢饉掘野鼠蟄燕而食之

御覽

三百二十又三十五引中宗上有中原亂三字
刺史下有鎮鄒山三字交侵下無鑒收合

至抗對十二字掘野鼠上有野無青草時或
六字 書鈔一百五十六引中原亂徐龜石
勒左右交侵至末

鄒鑿爲太尉雖在公位冲心愈約勞謙日昃
誦翫墳索自少及長身無擇行家本書生後
因喪亂解巾從戎非其本願常懷慷慨然咸康
五年秋寢疾上疏遜位優詔不許

御覽二百
七

鄒愔

鄒愔拜給事黃門侍郎愔苦求外出時吳郡
缺朝議欲用愔愔以資輕而年少不宜超登

大郡辭讓切至朝廷嘉之爲臨海太守在郡

優游養志不以事物縈心

御覽四百二十四
書鈔七十五引

鄒情爲臨海太守不以事務嬰心

鄒情咸安元年拜都督浙江東五郡諸軍事

進位鎮軍開府儀同三司辭不受

御覽二百
四十二

鄒情及弟曇奉天師道

世說簡傲篇

鄒超

超字景興高平人司空情之子也少而軍藝
不羈有曠世之度累遷中書郎司徒左長史

世說言語篇注又假譎篇注引超少而卓犖
不羈二句

郗超字景興少而卓犖不羈有曠世之度倣
儻高雋籠蓋當時時人爲之語曰揚州獨步
王文度盛世絕倫郗景興交遊士林每在勝
拔又精於理義大司馬桓溫取爲參軍溫英
氣蓋世罕有所推與超相見常謂不能測也
御覽二百四十九

郗超所交皆一時秀美雖寒門後進亦拔而
友之死之日貴賤操筆爲誄者四十餘人其

爲物所宗貴如此御覽四百七又五百六十
無貴字藝文二十一引郗超所交皆一時
秀美雖寒門後進亦拔而友之世說傷逝
篇注引超年四十一先惜卒超所交友皆一
時俊父及死之日貴賤爲誄者四十餘人案
晉書列傳作年四十二

郗恢

郗恢字道胤高平人父曇北中郎將恢長八
尺美鬚髯風神魁梧烈宗器之以爲蕃伯之

望自太子左率擢爲雍州刺史

世說任譔篇注書鈔六

十五引郗恢爲右衛率恢風神魁梧至末無
自太子左率五字御覽二百四十七引郗

恢字道胤爲太子右衛率恢長八尺全烈

邈字道胤爲給事黃門侍郎領太子右衛率書鈔六十五

邈

鑒兄子邁字思遠有幹世才畧累遷少府護軍世說德行篇注

顧榮

顧榮字彥先時吳朝士人入洛唯陸機陸雲及榮三人而已機雲雖有才藻清望不及榮

也選補吳王郎中令累遷太子中舍人

御覽二百

四十六又引顧榮清操南土秀望遷太子中

舍人又二百四十八引無首五字時吳朝士

人入洛作時在洛者無清望二字榮也下作

以高士秀望補吳王郎中令無末七字書

鈔七十一引同御覽二百四十八又六十六

引顧榮南土秀望爲太子中舍人

顧榮字彥先入洛以南土秀望累遷廷尉正

御覽二百三十一

顧榮字彥先遷廷尉平時趙王欲誅淮南王

允官屬下廷尉議罪榮具明刑理不宜廣

倫意解賴榮濟者甚衆

御覽二百三十一
書鈔五十五無之

許三字允官屬上有收字

顧榮齊王問召爲主簿問自擅威權榮知其

必敗唯終日昏酒問以榮爲中書郎

御覽二百二十一

黃陵相陳敏反留顧榮與甘卓等潛謀起兵

攻敏榮發橋斂舟於南岸敏率萬餘人出不

獲濟榮麾以羽扇其衆潰散事平還吳

書鈔一百一

二十四陳補

紀瞻

紀瞻字士遠爲鎮東王左長史丹陽宣城新

安三郡中正王常幸其家同乘還府甚見禮
遇鄉郡榮之 御覽七百七十四

王敦從中宗出紀瞻覬之大驚出拜道左 書
八十五

紀瞻勸中宗卽位帝不許使殿中將軍韓績
徹去御座帷帳瞻叱績曰帝王上應星宿敢
有動者斬帝爲之改容 書鈔一百三十二

紀瞻字士遠爲右僕射肅祖嘗居內殿慨然

天下曰社稷之臣欲得十人如何因數之

張君便是一人瞻謝曰臣不敢聞命肅祖曰
方欲善語云何復崇謙讓耶瞻以年在懸重
自陳告老詔曰豈朕德薄不足以爲治乎

御覽

二百十一

紀瞻拜領軍會錢鳳作逆詔上殿參定定謀
策事

書鈔六十四

紀瞻字士遠歷陽太守沛國武叡臨亡以家
後不立遂手書寄託瞻悉迎接爲居宅衣食
取是有若骨肉少與陸機兄弟親善機一門

破誅贍復相營恤機女爲嫁之由是士稱其
篤義 御覽四百二十一

賀循

賀循字彥先會稽人也節操尚厲童齒不羣
言行舉動必以禮讓行有餘力則精書學由
是博覽羣書尤明三禮爲江表儒宗拜右光
祿大夫 御覽二百四十三 文選任彥升下
文憲集序注引賀循字彥先博覽羣
書尤明三禮爲江東儒宗

賀循拜太常與刁協同議先朝四事朝野咸

嘆循之淵學

書鈔五十三

賀循拜太常時宗廟始建舊儀多闕或以惠懷二帝應各爲世則潁川世數過七宜在迭毀事下太常循議以爲禮兄弟不相爲後不得以承代爲世

書鈔五十三

賀循字彥先元帝以循爲太守而散騎常侍如故循以元卿舊不加官唯拜太常而已中宗踐祚下令曰循冰清玉潔行爲表俗加以位處上卿服物蓋身而已屋裁被風雨孤常

造其廬特爲賜以六尺牀席褥并錢二十萬

以表至德

御覽二百二十八 初學記十二 引賀循字彥先拜太常中宗踐祚

至末服物上有居身二字特下有以字賜下有慨然二字

賀循字彥先爲太子太傅詔曰循清直履道
秉尙貞貴居身以沖約爲本立德以仁讓爲
行可躬訓儲宮默而成化 御覽二百四十四

循拜左光祿大夫開府儀同三司帝親臨軒
遣使持節加左循病雖口不能言而指麾左
右推去章服車駕親幸執手流涕太子親臨

之焉往還皆拜儒者以爲榮

書鈔五十六

楊方

稽郡鈴下有楊方者字公回初爲郡威儀
多好學有異才以門役在閣下公事之暇輒
讀五經鄉邑未之知也內史諸葛恢聞方學
名爲給使見而異之謂有殊常之才卽解役
置左右以門人待焉由是邦壤敬異方始
得周旋鄉貴虞喜兄弟以儒學立名並知拔
之後恢欲薦郡功曹於中宗使方供事主簿

虞預以方文美采送示太常賀循循向京師

循美之司徒王導辟以爲掾方始在都交遊

賁人間縉紳咸厚遇之

御覽六百三十一書鈔七十七陳補引

揚方少好學有異才幼爲郡鈴下威儀公事之暇輒讀五經鄉邑未之知內史諸葛恢見而奇之待以門人之禮由是始得周旋賁人

薛兼

薛兼字令長與同郡紀瞻等初入洛張華嘆曰皆南金也累遷至丞相右長史兼恪勤王事以佐祿秩優泰每約損辭讓取用實而已

御覽二百四十八實字有誤

薛謙與同郡紀瞻廣陵閔鴻吳郡顧榮會稽
賀循同志友善號曰五儁初入洛司空張華
見而嘆息曰皆南金也御覽四百四十三又
四百七引無號曰五
儁四字又四百九十五引薛謙紀瞻閔鴻顧
榮賀循同志友善號曰五儁

張闔

薛謙爲軍祭酒言於中宗曰臣邑人張闔才
幹堪任當今之良器願垂引納以綜朝事中
宗卽召張闔爲安東將軍御覽二百四十九

闔晉陵內史甚有威德轉致廷尉卿

世說篇
規篇注

劉隗

太興元年改丹陽內史爲丹陽尹劉隗爲長

兼侍中出補丹陽尹隗雖在外而萬機秘密

皆豫聞之

書鈔五十七引彭城劉隗
出補丹陽尹雖在外機密皆預之

劉隗爲丞相司直時南中郎王含以族強顯

貴驕傲自恣一門參佐及守長二十許人多

取非其才隗奏劾文致甚苦事雖被寢王氏

深忌疾之隗之彈奏不畏強禦皆其類也

世說

六十二陳補又六十二引劉隗爲御史中丞
勅奏南中郎將王含以族強顯貴驕傲自恣
事雖被寢王氏深忌疾之隗之不畏強禦皆
瓦類也

劉疇

劉隗從兄疇字王喬有重名司空蔡謨每嘆
若使劉王喬得南渡司徒公之美選也

御覽二百八

刁協

刁協字玄亮除左僕射中興草創制度未立
朝臣時無練習舊儀者惟協以久在中朝加

性聰明多諳故事朝廷憲體出入威儀唱讚

一皆稟於協當時稱爲強記 御覽二百一十一

与協遷尙書令詔曰尙書令協抗志高亮才

蓋博朗朕甚嘉之 初學記十一 御覽二百一十一引朗作雅

与協爲尙書令加金紫光祿大夫性剛悍志

在匡益中宗甚信重之 書鈔五十九

熊遠遷御史中丞尙書郎盧綝入直逢尙書

與協於大司馬門外協醉使綝避之綝以當

不肯迴協令人牽綝墮馬至協車馬而後

釋遠奏請免協官詔令白衣領職

御覽二百二十六

周顛

周顛字伯仁拜太子少傅顛上疏曰臣退自
忖省學不通一經智不効一官止足良難未
能守分不悞天監忘臣頑蔽乃欲使臣內管
銓衡外忝傳訓質輕蟬翼事重干鈞此之不
可不待識而明矣

御覽二百四十四

周顛代戴淵爲護軍尙書紀瞻置酒請顛及
王導等二十人顛荒醉失儀復爲有司所奏

王敦作逆石頭城既陷王師敗績周顛往詣
敦敦曰伯仁卿負我顛曰公戎車犯順下官
親帥六師不能其事使王旅摧敗以此負公
敦憚其辭正不知所答顛與俱被收路經太
廟顛大言曰天地先帝之靈臣忠於社稷王
敦無道陵虐天下神祇有靈當速殺敦無令
縱毒以頃王室語未終人以戟傷其口不得
復言血流至踵顏色不變士庶聚觀者皆爲

流涕於石頭南門外石上害之

御覽四百十八與下脫字

王敦害周顛籍其家止見有素籠數枚中有

成絮

書鈔一百三十五七百五引無數枚二字

御覽八百十九又

周嵩

周嵩兄顛既被害王敦使人弔嵩嵩曰亡兄天下之人爲天下所殺復何弔敦甚銜之

御覽

五百六十一

應詹

應詹以孝稱年十餘歲祖父母亡

當作祖父母俱亡

家富於財而詹年稚弱乃請宗中單貧者與
共居弱冠知名太宰何劭見而稱之曰質文
之士也

御覽四百七十七

應詹都督天門等郡天門武陵谿蠻並反詹
誅其魁帥餘皆降之自元康以來政令不一
谿蠻並反詹召蠻酋破鐵券與盟由是懷化
數郡無虞其後天下大亂詹獨保全一境

五百九十八

御覽

陶侃破杜弢應詹亦隨侃在軍城旣陷諸將

盡取財物詹家至貧而一無所取莫不嘆其

清介也

書鈔三十八

應詹字思遠太興三年爲後軍將軍

御覽二百三十一

入

卞壺

卞壺明帝時爲尙書令與王導等俱受顧命
輔幼主成帝卽位羣臣進璽司徒王導以疾
不至壺正色於朝曰王公豈社稷之臣耶大
行在殯嗣皇未立寧是人臣辭疾之時專任

民國甲戌

何法盛晉中興書

五九江都朱氏

無敬事寢不行舉朝憚之

書鈔五十九陳補
又三十六引卞壺

爲尚書令公卿悼之

王導稱疾不朝而出送郗鑿卞壺奏導專任

無敬御史中丞鍾雅阿撓不糾並宜彈肅雖

事寢不行舉朝憚之

書鈔六十二
十一引卞壺爲

初學記
尙書令

司徒王導稱疾不朝

壺奏導專任無敬事寢
不行舉朝憚之 御覽二百十引同初學記

卞壺表曰豈敢干祿位以徼時榮乎

文選任
彥升爲

齊明帝讓宣城郡公第一表注

壺字望之永嘉中除著作郎蘇峻稱兵爲尙

書令右將軍領右衛峻至東陵口六軍敗績
壺乘馬被甲赴賊二子眡盱見之隨從俱爲
賊所害贈侍中開府諡忠貞公文選任彥升
爲卞彬謝修
卞忠貞墓注引濟陰卞錄

卞敦

卞敦除右衛率時胡賊侵逼淮泗中宗求可
以式遏邊境者公卿舉敦書鈔六十五原誤
作卞郭

鄧騫

鄧騫字長真長沙人譙王丞爲魏父所敗父

民國甲戌

何法盛晉中興書

李江都朱氏

求騫甚急鄉人爲之懼騫笑曰欲用我耳乃
往詣又又喜謂曰君可謂古之解揚也

御覽二百

六十三

劉超

劉超遷中書舍人時臺省初建內外多事超
出納書命以忠慎稱加以治身清苦衣不重

帛每上所賜皆固辭曰凡陋小臣橫竊賞賜

無德而祿殃咎必至上益嘉焉

御覽二百三十二

書鈔

五十七引至以忠慎稱又十一引至衣不重
帛劉超下有字世踰三字治身上無加以二

字

劉超字世踰中書郎遷爲射聲校尉時軍校

無兵義興人多義隨超因領之號爲君子營

以實宿衛

御覽二百四十三引劉超爲射聲校尉

書鈔六十一以下同未作

因統其衆以宿衛號曰君子營案晉書列傳作字世踰似與名超不合書鈔十一亦引作世踰踰字爲是

劉超字世瑜爲右衛將軍親侍至尊

書鈔六十四

劉超爲左衛將軍時蘇峻逼遷天子超攀轂

悲哀

書鈔六十四

高崧

高崧字茂琰廣陵人父惺光祿大夫崧少而好學善史傳累遷吏部侍郎侍中以公累免官

世說言語篇注

郭璞

郭璞奏南郊賦中宗愛其才以爲著作佐郎

書鈔五十七

御覽二百三十四引中宗下

有見賦二字

初學記十二引郭璞下

興元年四字

璞以中興王宅江外乃著江賦述川瀆之美

璞爲尙書郎大將軍王敦以璞有術取爲
參軍璞畏不敢辭

御覽二百四十九

郭璞性輕易不持威儀嗜酒好色或過度干
寶常誠之曰此非適性爾璞曰吾所受有本
限用之唯恐不盡乃憂酒爲害乎

御覽三百
八十九

昔中宗以丁丑之歲始稱晉王改築宗廟使
璞筮之云載祀二百及今禪代庚申之歲凡
百有二年而天祿永終璞精於術數理無乖

二抑以百二期促故倒其辭爲二百乎御覽二百

孝武帝造太極殿郭璞筮云二百一十年此

殿爲奴所壞後梁武帝毀之捨身爲奴御覽一百

七十五說郭五十九案郭璞是明帝時人見殺於王敦不得至孝武帝此有訛誤

葛洪

葛洪好學嘗伐薪賣以買紙墨初學記十二

四陳補

書鈔一百

葛洪字稚川丹陽句容人幼覽衆書近得葛卷自號抱朴子善養性之術撰經用救驗方

三卷號曰肘後方又撰玉函方一百卷今
行用 御覽七百三十二

葛洪赴岫嶠令行至廣州其刺史鄧岱留不
聽去洪乃止羅浮山中鍊丹積年忽與岱書
遠行尋藥岱得書往別而洪已亡年八十餘

顏色如平生入棺輕如空衣尸解而去

御覽
六百

六十四又四十一引葛洪上羅浮山中鍊丹
在山積年忽與廣州刺史鄧岱書云當欲遠
行岱得書狼狽而至洪已亡顏色如平生體
輕弱如空衣時咸以爲神仙 藝文七十八
引葛洪字稚川亡時年八十一視其貌如平
生體亦軟弱舉尸入棺其輕如空衣時咸以

爲尸解得仙

何法盛晉中興書

庾亮

亮父琛爲會稽太守亮少隨父會稽

文選庾元規讓

中書表注

庾元規少好黃老能言玄理時人方之夏侯

太初 御覽六百十七

中宗欽亮名德故申婚姻

文選庾元規讓中書表注

中宗聘亮妹爲皇太子妃

文選同上

至德表亮爲中領軍

文選同上

肅宗欲使庾亮爲中書監亮上書曰陛下踐

歷復以臣領中書則示天下有私矣御覽二百二十七

亮字元規爲中書郎肅祖欲使爲中書監上

疏肅祖納亮言封永昌公後遷司馬錄尙書

事薨文選庾元規讓中書令表引何法盛晉書穎川庾錄

庾亮上疏曰先帝謬顧情同布衣文選任彥升爲齊明

帝讓宣城郡公第一表注又王仲寶褚淵碑

亮欲徵蘇峻卞壺不許温嶠及三吳欲

起兵衛帝室亮不聽下制曰妄起兵者誅故

峻得作亂京邑也

世說容止篇注

庾亮與蘇峻戰於建陽門王師敗績亮於陣
擄其三弟懌條翼南奔温嶠顯宗幸嶠營亮
泥首謝罪

御覽三百六十四

庾冰

冰爲吳郡蘇峻作逆遣軍伐冰冰棄郡奔會

稽

世說任誕篇注

庾冰疏曰臣因循家寵冠冕當世

文選任彥升爲蕭揚

州作薦士表注又王仲寶褚淵碑文注

庾冰天性清慎常以儉約自居子襲嘗貸官絹十疋冰怒捶之市絹還官

書鈔三十八

庾冰臨卒謂長史曰吾將逝矣恨報國之志不展死之日斂以時服無以官物也及卒無絹爲衾世以此稱之

書鈔三十八

庾翼

庾翼字稚恭時京兆杜乂陳郡殷浩並才名冠世翼弗之重每語人曰此輩宜束之高閣俟天下平然後議其所任耳唯與桓溫友善

在總角之中便相期以終始

御覽四百七
初學記十八引

庾翼與桓溫友善至末

庾翼除振威將軍轉西陽太守撫和百姓甚

得歡心

書鈔七十五

庾翼與燕王書曰今致畫長鳴角一雙幡旄

副御覽三百二十八書鈔一百二十引庾

案畫下脫角字

庾希

希字始彥司空冰長子累遷徐兗二州刺史

希兄弟貴盛桓溫忌之諷免希官遂奔於暨
陽初郭璞筮冰子孫必有大禍唯用三陽可
以有後故希求鎮山陽弟友爲東陽自家暨
陽及溫誅希弟柔倩聞希難逃於海陵京口
聚衆事敗爲溫所誅 世說雅量篇注

庾友

桓溫殺庾希希弟倩聞希難而逃希弟友當
伏誅子婦桓氏女請溫得宥 世說賢媛篇注

庾統

統字長仁潁川人衛將軍懌子也少有令名
仕至尋陽太守

世說賞譽篇注

庾爰之

爰之有父翼風桓温徙於豫章年三十六而
卒

世說識鑒篇注

桓彝

桓彝少孤家貧而性度高豁不以簞瓢屑意
年在弱冠便有知人之鑒爲宣城太守百姓

藝文卷六

蘇峻反桓彝爲宣城內史往赴朝廷長史
惠等咸以宜且案甲以謀須衆力齊集彝厲
邑曰夫見無禮於其君者誅之如鷹鷂之逐
鳥雀今社稷之難而欲逡巡將何以云衆方
雖寡義無寧處長驅往進尋王師敗績彝懼
慨流涕皆勸僞通以紓交至之禍如其不然
重兵必至彝曰吾受國厚恩不能死節焉能
忍辱與之通問如其不濟此卽命也遣俞縱
進軍左右以力不敵勸縱退軍縱曰吾承桓

侯厚遇吾之不可負桓侯猶桓侯不可負國也遂力戰而死峻遣韓晃進軍攻彝力屈被害

御覽四百十七

桓沖

哀帝以平關洛功封桓沖豐城公

御覽二百

烈宗詔曰桓沖協隆治道

文選沈休文齊書安陸昭王碑

桓石秀

桓石秀風韻秀徹叔父沖嘗與石秀共獵徒甚盛觀者傾坐秀未嘗瞻盼嘯咏而已

三百九十二

桓石秀豁第二子代叔父沖爲江州刺史雖
公門貴盛不以榮爵嬰心唯以弋釣爲事
八百三十二

桓嗣

嗣字恭祖車騎將軍沖子也少有清譽仕至
江州刺史

世說排調篇注

桓謙

謙字敬祖沖第三子尚書僕射中軍將軍

世說

品藻篇注

桓胤

胤字茂遠譙國人祖沖太尉父嗣江州刺史胤少有清操以恬退見稱仕至中書令立敗徙安成郡後見誅

世說文學篇注

王承

王承少而沖淡弱冠知名太尉王衍雅重之以比南陽樂廣司空東海王越以爲記室參軍雅相敬重勅子毗曰夫學之所益者淺體

之所安者深閑習禮度不如式瞻儀刑記陸
遺言不如親承意旨王參軍人倫之表沙
師之御覽二百四十九 文選任彥引
陵文宣王行狀注引王承字安期司
東海王越以下同刑作形

王述

王述爲司徒王導中兵屬督牙門

書鈔六十九引太原

王錄

王述字懷祖以清介稱康帝爲驍騎將軍召
爲功曹 書鈔六十八

王述作會稽太守外白請諱答曰惟祖惟考
四海所知過此無所復諱

書鈔卷六

羲之自會稽王友改授臨川太守王述從驪
騎功曹出爲宛陵令述之爲宛陵令多修爲
家之具初有勞苦之聲丞相王導使人謂之
曰名父之子屈臨小縣甚不宜爾述答曰足
自當止時人未之達也後屢臨州郡無所造
作世始嘆服之

世說品藻篇注

述清貴簡止少所推屈以性急爲累

世說忿狷篇注

王坦之

王坦之字文度領左衛少有風格尙刑名之學嘗著廢莊論

御覽二百三十七

王國寶

王坦之字文度選曹將以爲尙書郎坦之聞曰自過江尙書郎正用第二人何得以此見擬其子國寶好傾側婦父謝安惡之除尙書郎國寶以爲中興膏腴之族唯作吏部不作餘曹辭不拜

御覽二百十五

王國寶因酒坐怒右丞祖台之攘袂喚呼以盤盞樂器擲台之復爲有司所彈烈宗詔曰國寶縱肆情性甚不可長台之懦弱非監司體其免官 御覽二百十三

烈宗喪會稽王道子執政寵幸王國寶委以機任 世說傷逝篇注

王綏

王綏字彥猷愉子也少有令譽自王渾至坦之六世盛德綏又知名於時冠冕莫與爲比

位至中書令荊州刺史桓玄敗後與父掄歸

反伏誅

世說德行篇注

王綏八世德名繼軌

文選任彥升百辟勳通今上牋注

王爽

爽忠孝正直烈宗崩王國寶夜開門入爲
詔黃門郎拒之曰大行晏駕太子未立敢有
先入者斬國寶懼乃止

世說方正篇注

荀組

穎川荀組字大章司徒王渾表曰左西屬荀

組又義貞素清識見稱宜轉從事中郎

御覽二百

荀組字大章潁川人也弱冠太尉王夷甫見而稱之爲光祿大夫

御覽二百四十二

懷帝荀組爲侍中特進行太子太保

御覽二百四十四

荀崧

荀崧字景猷組族子也弱冠太原王濟甚相器重拜右光祿大夫

御覽二百四十三

荀崧上疏曰國子博士一則應對殿堂與

問故二則參訓國子

書鈔六十七

荀蕤

荀蕤字令遠遷左丞時桓溫平蜀朝廷欲以豫章封溫蕤謂太宗曰若溫復假王威平河洛修復山陵何以加之遂止

御覽二百一十三

荀羨

荀羨字令則爲徐州刺史時年二十八中興方伯未有如羨少者

御覽二百五十四又二百四十一引荀羨爲此

中郎將徐州刺史時年二十八世說言
篇注引羨年二十八出爲徐兗二州刺史
興方伯之少未有若羨者也

范汪

范汪字玄平少失父年六歲過江依外家庾氏荆州刺史王澄見而奇之以爲興范族者必是人也御覽四百四十三

范汪家貧好學燃薪寫書寫書既畢誦讀亦意藝文八十

蘇峻反范汪逃遁西歸時庾亮温嶠治兵

陽咸以衆少賊強未敢卽路且信使阻絕不相知聞及汪經過嶠等訪焉汪曰賊政令不一貪暴縱橫滅亡已兆雖強易弱朝廷倒懸宜時進討嶠等納之是日護軍南平二府禮命交至始解褐參護軍事

御覽二百四十九

范汪字玄平善言玄理爲吏部郎徙吏部尙

書徐充二州刺史

文選任彥升爲范尙書讓吏部封侯第一表注書

欽六十九引范汪字玄平博學多通尤善書理護軍南平二府交命又九十七引范汪博學多通至善言理

初桓溫請范汪爲征西長史復表爲江州並不就還都因求爲東陽太守溫甚恨之汪後爲徐州溫北伐令汪出梁國失期溫挾憾奏汪爲庶人汪居吳後至姑孰見溫溫語其下曰玄平乃來見當以護軍起之汪數日辭歸溫曰卿適來何以便去汪曰數歲小兒喪往年經亂權燄此境故來迎之事竟去耳溫愈怒之竟不屑意

世說假請篇注

范甯

甯字武子慎陽縣人博學通覽遷中書郎豫

章太守

世說言語篇注

范甯爲餘杭令在郡興學校養生徒絜已修禮志行之士莫不宗之暮年之後風化大行自中興以來崇學敦教未有如甯者也在職

六年遷臨淮太守求補豫章

書鈔八十三陳補御覽二百

六十七引至未有如甯者也范甯下有字武子解褐五字郡作縣無修禮二字宗之作來宗又六百十三引至未有如甯者也養生徒下作孫已志徒行之士莫不來宗無暮年八字

何法盛晉中興書

七

范甯爲臨淮太守徵拜中書郎專掌西省以

職在機近固辭不許多所獻替有益治道

藝文

四十八

御覽二百二十

書鈔五十七引

郎上有侍字無末八字

初學記十一引范

甯字武子少好學多所通覽拜中書郎專掌西省居職多所獻替有益治道

范甯拜中書侍郎時烈宗雅好文學而甯明

習五經甚見親愛朝廷疑議輒諮訪之甯指

斥朝士直言無諱

初學記十一

御覽二百

范堅

范堅字子常爲廷尉奏王典吏

奏疑作秦案
晉書列傳作

范堅遷尚書左丞時
廷尉奏殿中帳吏邵廣盜官慢合布四十

疋

案晉書列傳官慢下有
三張二字四十作三十依律棄市廣息雲

宗二人自沒爲官奴婢以贖父尚書議可特
聽堅駁之曰此爲施一恩於今開萬怨於後
顯宗從之正廣刑
御覽二百三十一

范啟

范啟字榮期慎陽人父堅護軍啟以才藝顯
於世仕至黃門郎
世說文學篇注

王舒

咸和元年當徵蘇峻司徒導欲出王舒爲外
援及更拜爲撫軍將軍會稽內史秩中二千
石舒上疏以父名會不得作會稽朝議以字
同音異於禮無嫌舒陳音雖異而字同乞換
他郡於是改會字爲鄒舒不得已就職御覽
三百
六十二

王允之

允之字淵猷

晉書列傳
作深猷

年在總角從伯敦

知之嘗夜飲允之辭醉先眠時敦將謀作

因允之醉別牀臥夜中與錢鳳計議允之已醒悉聞其語恐或疑便於眠處大吐衣面並汚鳳既出敦果照視見其眠吐以爲大醉不復疑之御覽四百三十二又三百九十六引王允之字淵猷年在總角從伯敦知之謂爲似已入則共寢又四百九十四引王允之年在總角敦深知之謂爲似已入則共寢嘗夜飲辭曰醉先眠敦將錢鳳計逆允之悉聞處敦或疑於眠處大吐敦果照視見眠吐中不復疑之又七百四十三引王允之年在總角爲從伯敦所知嘗夜飲允之辭醉眠在別牀敦與錢鳳謀逆允之悉聞其語便於眠處大吐以爲大醉不復疑

王彬

王彬字世儒從兄敦入石頭中宗使彬銜命慰勞會周顛被殺彬往哭顛旣而見敦敦怪其有涕洟問其所以彬曰向哭伯仁情不能已敦曰伯仁自致刑戮且凡人遇汝復何爲哉彬曰伯仁世譽與君齊行忠烈之軌邈焉難逮其有何罪而致禍戮勃然數敦曰兄抗旌內侮戮殺忠義謀國不軌禍及門戶敦大怒厲聲曰爾之狂悖乃可至此爲吾不能殺汝耶丞相導在坐勸彬起謝彬曰昨暴腳痛

不能拜且此復何所謝意氣自若敦曰腳痛
孰若頭痛然猶以至親不忍加害御覽四百二十八
琅邪王彬爲將作大匠帝以其勤勞爵關內
侯書鈔五十四

王彪之

王彪之字叔虎從伯導謂曰選官欲以汝達

可作諸王佐郎

此有詔誤案晉書列傳作選官欲以汝作尙書郎汝幸可

作諸王佐郎

彪曰位之多少旣不足計自當任之

於時至於遷超是所不願遂爲郎

御覽二百十五

王彪之遷廷尉時永嘉太守謝毅赦後殺郡人周矯矯從兄球詣州訴冤揚州刺史殷浩遣從事收毅付廷尉彪之以球爲獄主身無王爵非廷尉所料不肯受與州相反覆穆帝發詔令受之彪之又上疏執據時人云張釋之以來復見斯事御覽二百三十一藝文四十九引王彪之遷廷尉時揚州刺史殷浩劾永嘉太守謝毅付廷尉彪之執法不受發詔彪之又上疏執據時人云張釋之以來復見斯事

王彪之爲鎮軍將軍會稽內史加散騎常侍

居郡八年豪強斂迹亡戶歸者三萬餘口

藝文

卷六

王彪之遷尙書令與謝安共掌朝政安數稱之曰朝之大事眾人所不能決者咨之王公無不得判也

書鈔五十九

王彪之議云未詳傳國璽創造之始然歷代以來及太始之初揖遜禪位以茲相授故是傳國之守器也

書鈔一百三十一

虞譚

虞譚陳畧曹毗毛安之並爲左衛將軍

御覽二百

三十七

虞嘯父

嘯父會稽人光祿譚之孫右將軍純之子

案

書列傳作

虞譚子佺少歷顯位與王廞同廢爲庶人義

熙初爲會稽內史

世說紙漏篇注

陸暕

陸暕童齠中從兄機稱之爲陸氏之寶我家

不世之才也

御覽四百四十二

陸玩

陸玩字士瑤王導郗鑒庾亮相繼殂朝野憂懼咸以爲三良旣沒國基墜矣於時遷玩侍中司空給羽林四十人玩比陳讓不聽旣拜嘆息謂賓客曰以我爲三公是天下無人也談者以爲知言藝文四十七 御覽二百八引陸玩訛作虞玩相繼薨下卽接遷玩司空至末

陸納

陸納爲吳興太守辭大司馬桓溫因問溫曰

醉可飲幾酒肉食多少温曰温酒不過三升
便醉肉不過十臠納後伺間求入自言外有
微禮温勅而受止有酒一斗鹿肉一盤一坐
愕然納曰公近云三升民正可二升今有一
斗以備餘瀝温嘆服

御覽四百六十二

陸納字祖言徵拜左民尚書將應召綱紀曰
宜裝幾船納曰吾家不在此已勅私奴乘駕
裝并食糧米無所須也

向有脫誤

臨發載被襍而

也其餘皆封還官

御覽四百三十一又七百四引陸納爲吳興太守錄

民向書臨發止留被獲餘還官

納字祖言爲吳興太守時衛將軍謝安嘗
詣納納兄子俶怪納無所備不敢問之乃
私蓄數十人饌安既至納所設惟茶果而已
俶遂陳盛饌珍羞畢具及安去納杖俶四十
云旣不能光益叔父奈何穢我素業御覽八
百六十
七又五百十二引無所備作無供辦私蓄作
密作而已下作俶下精飲食客罷納大怒杖
俶四十奈何作乃復

何充

兒時亡伯車騎謂我汝後當與伯父爭名汝
今器宇宏深亦當名出我右由是少有名望
御覽四百四十三又五百十三引無末六字

王敦以震主之威收羅賢儁辟充爲主簿充
知敦有異志逡巡疎外及敦稱含有惠政
合兄改一坐畏敦擊節而已充獨抗之其時衆人
爲之失色由是忤意出爲東海王文學

世說
方正

補注

廬江何充字次道爲司徒王導諮議參軍

御覽

二百九

初庾冰兄弟每說顯宗國有強敵宜賴長君
顯宗晏駕充建議曰父子相傳先王舊典忽
妄改易懼非常計冰等不從遂立康帝康帝
臨軒冰充侍坐帝曰朕嗣洪業二君之力也
充對曰陛下龍飛臣冰之力若如臣議不覩
昇平之世其強正不撓率皆如此

御覽四百二十八

何準

何準字幼道廬江潯人驃騎將軍充第五弟也雅好高尚徵聘一無所就充位居宰輔權傾人主而準散帶衡門不及世事於時名德皆稱之年四十七卒有女爲穆帝皇后贈光祿大夫惔讓不受

世說棲逸篇注

何澄

何澄字秀玄清正有器望歷尚書左僕射

世說

悉猶篇注

褚翼

晉書列傳作褚翼

褚翼字謀遠少失父以材藝楨幹立名肅祖
卽位徵拜屯騎校尉遷太子左衛率御覽二百四十七

蔡謨

蔡謨爲尙書上疏曰八坐之任非賢莫居前
後選用名資有常孔愉諸葛恢並以清節合
才素有名望昔愉爲御史中丞臣尙爲司徒
長史恢爲會稽太守臣尙爲尙書郎恢尹丹
陽臣守小郡今猥以輕鄙超踰等疋上亂聖

民國甲戌

可去蓋雪巾與書

八二江柳朱氏

明貫魚之次下違羣士準平之論豈惟微臣

斯亡之誠實昭聖政維塵之累御覽二百十

蔡謨字道明拜太常咸康四年臨軒門下奏

非祭祀宴饗則無設樂謨奏宜有金石顯宗

納焉臨軒作樂自此始也御覽二百二十八

濟陽蔡謨拜太常以下同咸康誤作咸寧

蔡謨字道明遷司徒固讓曰若我作司徒將

爲後代哂義不敢拜詔數十下謨章表十餘

上陳以疾篤帝臨軒自朝至申而徵不至公

卿以蔡公傲無人臣之禮奏送謨廷尉謨

子弟詣闕稽顙詔免爲庶人

御覽二百八

蔡謨讓司徒孝宗臨軒遣侍中紀璩黃門郎
丁纂徵謨謨陳疾篤使主簿謝攸對自平旦
至日中使者十餘反而謨不至孝宗時年八
歲甚怪之亟問左右曰所召何人何以至今
不來臨軒何時當竟會稽王曰蔡公傲違上
命無人臣之禮若人主卑屈於上大義不行
於下亦不復知所以爲治於是奏送謨廷尉

以正刑書謨懼率子弟素服詣闕稽顙到廷尉待罪皇太后詔可依舊制免爲庶人御覽四百九十八

蔡謨讓司徒孝宗臨軒自平旦至日中使者十餘反而謨不至孝宗時年八歲甚怒之亟問左右曰所召何以至今不來臨軒何時當竟皇太后詔曰必不來者宜罷朝中軍殷浩

奏曰免吏部尚書江彪官

忽爽此語不倫疑有訛誤案晉書列

傳亦有中軍以下云云惟無日字彪作彪不知何故

於是公卿奏送謨

廷尉以正刑書謨懼率子弟素服詣闕到廷
尉待罪詔可依舊制免爲庶人

藝文四十九

蔡謨免皇太后詔以謨爲右光祿大夫開府
儀同三司遣謁者孟洪就加冊命謨上疏陳
謝遂以疾篤不朝賜几杖門施行馬

御覽二百四十一

蔡系

蔡系字子叔濟陽人司徒謨第二子有文理

仕至撫軍長史

世說新語量篇注

諸葛

諸葛氏之先出自葛國漢司隸校尉諸葛豐
以忠彊立名子孫代居二千石三國之興蜀
有丞相亮吳有大將軍瑾魏有司空誕名並
蓋海內爲天下盛族御覽四百六十案此蓋
在諸葛恢傳蓋敘諸葛
之緣起也文選沈休文齊故安陸昭王碑
文注引諸葛誕名蓋海內

諸葛靚

諸葛誕叛遣子靚入質於吳吳亡入洛自誣

爲太祖所斬

當云爲文帝所誅

誓不見太祖叔母

邪武王如覲之姊也帝後因覲在姊間往洗
覓焉覲逃於厠帝又逼之覲流涕曰臣不能
漆身吞炭復覲聖顏

御覽四百八十案晉書
載諸葛恢傳覲恢父

諸葛恢

諸葛恢字道明頤弟也弱冠知名試仕卽邱
長轉臨沂令值天下亂避地江左於時潁川
荀顗字道明陳留蔡謨字道明俱有名譽號
曰中興三明時人爲之歌曰京都三明各有
名蔡氏儒雅荀葛清

御覽三百六十三世
說識鑒篇注引恢避難

迺江與穎

川荀道明陳留蔡道明俱有名譽

以下同

文選任彥升王文憲集序注引諸

葛恢字道明

穎川荀勳字道明陳留蔡謨字

道明以下同

諸葛恢爲會稽太守上爲置酒謂之曰會稽

晉之關中足食足兵在於太守以君有蒞任

之方是以相屈四方分崩當匡振否運治之

所先君爲言之恢陳謝因對曰今天下喪亂

之餘風俗陵遲宜尊五美屏四惡進忠實之

士退浮華之黨中宗深納之

藝文卷六覽二百五十一御

引諸葛恢

下有字道明中宗遷六字太守下

有臨行二字晉作昔在於太守太作良無四

方分別至言之十七字陳謝下無因對二字
書鈔十一引有莅任之方是以相屈作諸
葛祿誤又三十九引諸葛祿爲會稽太守廉
行上爲道循引至是以相屈也亦作諸葛祿
誤在於太守作良守

諸葛恢爲會稽守二年政清民和書鈔三十

殷浩

浩棲遲積年累聘不至世說識鑒篇注

殷浩字淵源弱冠與京兆杜乂並有美譽善
言玄理論難精微故風流清談皆歸之征西
將軍引爲記室參軍御覽二百四十九又六
百十七引殷浩弱冠與

何法盛晉中興書

六

京兆杜乂並有美譽善言玄理世說貞譽
篇注引浩能言理談論精微長於老易故風
流者皆宗歸之

浩爲亮司馬

世說文學篇注

建元初庾亮兄弟何充等相繼薨太宗以撫
軍輔政徵殷浩爲揚州刺史從民譽也

世說
政事
篇注

殷融

殷融字洪遠陳郡人桓彝有人倫鑒見融甚
嘆美之著象不盡意大賢須易論理義精

讓者稱焉。兄子浩亦能清言，每與浩談，有時而屈退，而著論融更居長，爲司徒左西屬，飲酒善舞，終日嘯咏，未嘗以世務自嬰。累遷吏部尚書、太常卿、卒。

世說文學篇注：書鈔二十八引陳郡殷融，字洪遠，司徒王導以爲西屬。融飲酒善舞，終日嘯咏，未嘗以事務自嬰。導甚相親悅也。原誤作郭融。又一百七陳補引殷融爲司徒飲酒善舞，終日嘯咏，未嘗以事務榮懷。御覽二百九引同書鈔作殷融西屬，上有右字，又五百七十四引同二百九右西屬作左西屬，無導甚相親悅焉六字。

願悅之

悅字君叔晉陵人初爲殷浩揚州別駕浩卒
上疏理浩或諫以浩爲太宗所廢必不依許
悅固爭之浩果得申物論稱之後爲尙書左
丞

世說言語篇注

孔愉

孔愉字敬康少與同郡張茂字偉康丁漚字

子康

案晉書列傳作世康

俱知名號曰會稽三康

御覽三百

六十三

孔愉字敬康以討華軼功封餘不亭侯初愉

少時嘗得一龜放於餘不溪中流左顧者數

次及鑄侯印而龜左顧更鑄猶然印工以聞

愉悟遂佩焉御覽二百 初學記二十六引

孔愉經餘亭侯及鑄侯印以下同猶

左顧後以功封餘亭侯及鑄侯印以下同猶

作亦案餘下脫不字 書鈔一百三十一陳

龜引同初學記 寰宇記江南東道湖州武

康縣引無以討華軼功至初愉十二字嘗下

有買字左顧者數次作龜中流數顧及鑄侯

印作及愉封餘不侯鑄印而龜下右首字以

聞下作愉悟昔者所放龜乃取佩焉

司徒王導將以趙冰案晉書列傳為中護軍

孔愉謂導曰中與以來處此官者用周伯仁

應思遠今誠乏才豈可以趙冰居之其秉正
不撓皆此類也

御覽二百四十

書鈔六十
四引至居之趙冰作趙冰

孔坦

孔坦字君平以才名獨步補東宮舍人

書鈔
六十

孔坦拜左丞辭王丞相導曰卿在朝康濟時
務拾遺補益者多矣咸以左丞事要宜須直
諒以攝百揆今天下事弊亦是氣病讓夷之

豈得已也

書鈔六十末疑有誤

孔嚴

嚴字彭祖會稽山陰人父倫黃門侍郎嚴有才學歷丹陽尹尚書西陽侯在朝多所匡政爲吳興太守卒於家

世說品藻篇注

孔嚴補六中正時東海王奕信用羣下上疏求海鹽錢塘以水牛牽棣稅取錢直嚴啟宜寢表帝詔曰奕謂此適民無損害豈奪惠卹之旨也省所啟敬納忠規

御覽六百二十七

張茂

張茂初起義討賊陳斌一郡用全中宗召爲
掾屬中興累遷至太子右衛率出爲吳國內
史爲沈充所殺茂妻陸氏散家財合義軍助
國討賊詣闕上書理茂忠節詔書褒嘆追贈
太僕卿 御覽四百三十九

陶回

陶回字夫之王導以回有器幹擢拜北軍中
候回性不畏強禦 御覽二百四十

丹陽陶回大將軍王敦命爲參軍轉州別駕

府稱職

書鈔七十三

周回拜領軍將軍加散騎常侍性方範不畏
疆禦丹陽尹桓景頗以佞事司徒王導導甚
旣之回常慷慨謂景非正人不宜親狎會蔡
惑守南斗經旬王公語曰南斗揚州分而蔡
惑守之吾當遜位以厭此譴回答曰公以明
德作鎮輔弼聖主當親忠貞遠邪佞而與桓
景造膝蔡惑何由退舍導甚愧之

御覽二百三十九又

四百九十一引蔡惑守南斗至末又四百二十八引紀回字恭則雅性方範以下同無公

以明德至邪佞下作公與桓景造膝云云案
以陶回作紀回誤又晉書列傳陶回無字御
覽二百四十引作字恭之而四百二十八又
引紀回字恭則顯有訛誤

謝尚

謝尚字仁祖司徒左西屬爲會稽王友御覽
四十八 書鈔七十一陳補

尚爲建武將軍江夏相 世說品藻篇注

謝安

謝安字安石年四歲桓彝見而嘆曰此兒風
神秀徹後當不減王東海總角神識深敏氣

宇條暢丞相王導知之由是知名

御覽三百八十四

東甌沃壤名士多樂居之太傅謝安未仕時亦居東土其王羲之孫綽李充許詢道林皆文義冠世共相友昵

御覽四百七

安寓居會稽與支道林王羲之許詢共遊處出則漁弋山水入則談說屬文未嘗有處世意也

世說雅量篇注

謝安築埭於新城北百姓賴之故名召伯埭

御覽七十三

謝琰

琰字瑗度安少子也爲輔國將軍距氏進號

征虜左僕射領詹事

文選沈休文齊故安陸昭王碑文注引中興陳

郡謝錄

謝琰爲會稽內史督五郡事隆安四年孫恩攻上虞進及邢浦太守張虔碩戰敗於邢浦人情震懼羣賊銳進咸以宜持重嚴備且列水軍於南湖又應分軍設伏以待之琰不聽外白賊至時尚未食琰曰要先滅此寇而後

食耳跨馬而出廣武將軍桓寶爲前鋒果敢
能戰殺賊甚多而塘路迮狹魚貫不聚賊於
艦中旁射之前後斷絕琰至千秋亭與二

子肇峻俱被害寶亦死之

御覽三百二十三
書鈔一百十八

引五郡事作五郡軍士孫恩攻上虞作孫恩
復寇狹口入餘姚上虞進及邢滿下有去山
陰北三十五里琰遣參軍劉宣之距破恩既
而二十十字戰敗下無於邢浦三字震懼作震
駭南湖下無又應二字不聽下無外白二字
果敢能戰作推鋒陷陣魚貫不聚作琰軍魚
貫而進末作琰至千秋亭而敗無與二子以
下十二字

謝奕

民國甲戌可去盛雪巾與書 九二江都朱氏

謝奕字無奕陳郡陽夏人祖衡太子少傅父

衷吏部尚書奕少有器鑒辟太尉掾剡令遷

豫州刺史

世說德行篇注

奕自吏部郎出爲晉陵太守

世說簡傲篇注

謝玄

時氏賊強盛侵寇無已朝議求文武良將可
以鎮遏北方者衛將軍謝安曰唯兄子玄可
堪此任中書郎郗超聞而嘆曰安違衆舉親
明也玄必不負舉才也於是徵還拜建武將

軍兗州刺史領廣陵相江北諸軍事御覽五百十一

世說識鑒篇注引至玄必不負其舉鎮邊

作鎮靜可堪此任作可任此事卻超上無中

書郎三字文選謝玄暉和王著作八公山

詩注引氏賊作寇賊鎮下無邊字可堪此任

下卽接於是拜建武將軍至末江北上有監

字

謝玄進號冠軍將軍加領徐州刺史還於廣

陵以功封東興縣侯八年秦主苻堅傾國大

出衆號百萬先遣苻融慕容煒張蚝苻方四

師至潁口梁成王先等守洛澗詔加衛將軍

安爲征討大都督玄爲前鋒都督徐兗青三

民國甲戌

何法盛晉中興書

九三江都朱氏

州揚州之晉陵幽州之燕國諸軍事與叔父
征虜將軍石從弟輔國將軍琰西中郎將桓
伊龍驤將軍檀玄等拒之眾凡八萬玄先遣
廣陵相劉牢之五千人直指洛澗卽斬梁成
及成弟雲步騎崩潰爭赴淮水斬首萬級生
擒五千餘人十月苻融進屯壽陽玄與琰等
選精銳八千人決戰肥水南臨陣斬苻融俘
獲萬騎得偽輦及雲母車其餘寶器山積錦
罽數萬端牛馬驢騾駝十萬疋

御覽三百九

玄字幼度領徐州牧苻堅傾國大出玄爲前

鋒射傷苻堅臨陣殺苻融封康樂公

文選謝靈運述

祖德詩注引陳郡謝錄又謝玄暉和王著作
入公山注引陳郡謝錄玄領徐州苻堅傾國
大出玄爲前鋒射傷苻堅陣殺苻融

兖州既平謝玄患水道險澁糧運艱難壅呂

梁水立七埭以利運漕

御覽七十三

謝萬

萬才器儁秀善自衒曜故致有時譽善屬文

能談論時人稱之

世說賞譽篇注又文學篇注引謝萬善屬文能談論

謝萬少而才器雋秀太宗聞其名取爲鎮軍
從事中郎

御覽二百四十九

謝萬升平五年詔曰前西中郎萬才義簡亮
宜居獻替其爲散騎常侍

藝文四十八

謝萬字萬石太傅安弟也才器高俊早知名
歷吏部西中郎將豫州刺史散騎常侍

世說言語

篇注

萬器量不及安石雖居藩任安在私門之時
名稱居萬上也

世說品藻篇注

萬之爲豫州氏羌暴掠司豫鮮卑屯結於
萬既受方任自率衆入潁以援洛陽萬務豪
傲物失士衆心時北中郎將郗曇以疾還彭
城萬以爲賊盛致退便向還南遂自潰亂狼
狽單歸太宗責之廢爲庶人

世說品藻篇注

謝萬安石之弟也爲尙書令薨博士議諡曰
萬無他才直以宰相弟遂居清顯妄自夸擬
曾無慚德案諡因事有功曰襄貪以敗官曰
墨宜諡曰襄墨公朝議直曰襄公

御覽四百九十二案

晉書謝石傳石無他才望直以宰相弟遂居清顯而聚斂無厭取譏當世禮官議諡博士范弘之議諡曰襄墨公朝議不從單諡曰襄而御覽引中興書謂是謝萬恐有訛誤

謝萬安石弟聚斂無厭取譏當世書鈔四十一

謝朗

朗博學有逸才善言玄理世說文學篇注

謝石

謝石遷尚書令上表以腳疾不敢朝拜乞依故尚書王彪之例於府綜攝詔聽書鈔五十九

謝石上疏曰尸素朝端忽焉五載文選王仲寶褚淵碑

文注

謝安弟石尚書令薨時年六十二無他才望

直以宰相弟兼有大勳遂居清顯而聚斂無

厭取譏當世

御覽六百二十七篇注引石字石奴

世說方正

斂無厭取譏當世文選沈休文奏彈王源注引何注盛陳郡謝錄謝石以有大勳遂居清顯

謝道韞

謝安女道韞王凝之妻也疑之弟獻之嘗與賓客談議辭理將屈道韞遣婢曰欲爲小郎

解圍乃以青綾布障自蔽申獻之前義客不能屈 御覽六百十七

王羲之

王羲之字逸少導之從子也幼訥於言人未之知年十二嘗見周顛異之時重牛心炙先割啖羲之羲之於是聞名及長尤善草隸書爲今古冠絕累遷右將軍不樂京師遂往會稽與謝安孫綽等遊處山陰有道士養羣鷺羲之意甚悅道士云爲寫黃庭經當舉羣鷺

贈乃爲寫訖籠鵝而去

御覽二百三十八

王羲之字逸少弱冠知名庾亮請爲參軍

書鈔

六十九

王羲之爲護軍將軍任役在平

書鈔六十四

羲之與述志尙不同而兩不相能述爲會稽
艱居郡境王羲之後爲郡申慰而已初不重
詣述述深以爲恨喪除徵拜揚州就徵周行
郡境而不歷羲之臨發一別而去羲之初語
其友曰王懷祖免喪正可當尙書投老可得

民國甲戌

可去盛雪巾輿書

九七江都朱氏

爲僕射更望會稽便自邈然述既顯授又檢
校會稽郡求得其失主者疲於課對羲之恥
慨然遂稱疾去郡墓前自誓不復仕朝廷以
其誓苦不復徵也

世說伏臘篇注

王徽之

桓沖引徽之爲參軍蓬首散帶不綜知其府
事

世說簡傲篇注

徽之羲之第五子卓犖不羈欲爲傲達仕至

黃門侍郎

世說雅量篇注

徽之性放達棄官東歸居山陰

世說任

徽之卓犖不羈欲爲傲達放肆聲色頗過

人欽其才穢其行也

世說任誕篇注

書

下有字子猷三字末有大司馬桓溫以爲

王獻之

王獻之少有清譽亦善隸書後將軍謝安請

爲長史甚欽愛之

御覽二百四十八

王遜

王遜爲寧州刺史民人謁者多使作金刺通

名妻詰之曰何先清而後濁也

書鈔七十一

毛璩

毛璩爲譙王司馬時海陵縣地多菰蒲處所
幽邃亡戶保之璩請討放火而進天旣旱地
皆菰封封燃叛人走出近得萬戶

御覽九百九十九

劉遐

劉遐字正長廣平人性果毅便弓馬遭天下
亂遐自爲隰主攻鈔日至無時不戰遐每奮
擊直入賊軍陷堅摧銳鄉人邵續深知之以

文妻焉遂立壁河濟之間湖不敢逼時人號

爲關羽張飛

御覽四百三十五

鄧遐

鄧遐氣蓋當時

文選齊故安陸昭王碑文注

虞預

虞預好學有文才中宗以爲記室專典書記

書鈔六十九

虞預有學有才轉琅邪王常侍

書鈔七十一

孫盛

孫盛年十歲避難渡江及長博學善玄理於
時殷浩擅名一時無與抗論唯盛嘗詣浩談
論對食奮麈尾毛悉落飯中食冷而復暖者
數四至暮忘食理竟不定

御覽六百十七

盛字安國太原中都人博學強識歷著作郎
劉陽令庾亮爲荊州以爲征西主簿累遷秘
書監

世說言語篇注

孫盛歷散騎常侍秘書監常領著作

御覽二百三十一

孫盛字安國爲秘書監加給事中篤尙好學
自少及長常手不釋卷旣居史官乃著三國
陽秋初學記十二 御覽二百三十二引無
加給事中四字又六百十一引無加給
事中篤尙六字

孫潛

潛盛長子也豫章太守殷仲堪討王國寶潛
時在郡逼爲諮議參軍固辭不受遂以憂卒
世說言語篇注

干寶

何法盛晉中興書

卷

干寶字令升新蔡人祖正

案晉書列傳作祖統吳奮武

將軍父瑩丹陽丞寶少以博學才器著稱歷

散騎常侍

世說排調篇注

干寶字令升新蔡人始以尙書郎領國史遷

散騎常侍卒撰晉紀起宣帝迄愍五十三年

評論切中咸稱善之

文選干令升晉紀武帝革命論注

鄧粲

沙鄧粲高潔著名桓沖召粲爲別駕粲起

職時南郡劉尚公亦治操不仕粲旣就職

尚公語粲曰卿道廣學深衆所推懷忽然改節誠失所望粲笑答曰足下可謂有志於隱而未知隱之爲道朝亦可隱市亦可隱隱初在我不在於物尚公無以難之然粲名譽亦減半矣

御覽二百六十三

謝沉

何充庾冰並稱沉有史才遷著作郎撰晉書三十餘卷時年五十二先著後漢書百卷及毛詩漢書外傳所著述及詩賦文論皆行於

世其才學在虞預之右

書鈔五十七
二百三十四引

謝沉
御覽

爲祠部郎何充庾米以沉有史才遷大著作

習鑿齒

習鑿齒字彥威荊州刺史桓溫辟齒爲別駕
溫出征伐或從或守所在任職每處機要莅
事有績善尺牘論議溫甚器之在職十年後
忤溫旨左遷戶曹參軍

書鈔七十三陳補

習鑿齒字彥威襄陽人少以文稱善尺牘桓
溫在荊州辟爲從事歷治中別駕遷滎陽太

守

此說言語篇注

顧和

顧和字君季

晉書列傳作君孝

榮族子也和二歲失

父總角便有清操弱冠知名族父榮雅重之

此吾家千里駒也興吾宗者必此子矣康帝

卽位爲尙書僕射更拜銀青光祿大夫又遷

左光祿大夫

御覽二百四十二篇注引和有操量弱

世說雅量冠知名

顧和遷侍中初中興東遷舊章多闕而冕旒

飾以翡翠珊瑚及雜珠等和云舊冕十有二

旒皆用玉珠今用雜珠等非禮若不能用玉

珠可用白璇成帝於是始下太常改之書鈔五十一

入御覽六百八十六引初中興儀服不備

見旒飾以翡翠雜珠顧和奏舊冕十二旒皆

用玉今不能得玉可用白璇珠於是始下太

常改之顧和為尚書僕射以母老固辭詔勅諭令聽

事出朝還其優遇如是尋朝議以臨端右之

朝不宜處於外更加銀青光祿大夫書鈔五十九

學記十一御覽二百一十一引顧和康帝

江適

殷浩北伐江適爲長史及丁零反叛浩浩甚懼姚襄去軍十里結草爲營方欲擊浩浩甚懷憂令適代之適曰今兵非不精而衆少於羌且塹柵甚固難與校力乃取數百雞以長繩連之腳皆繫火一時驅放以兵過後羣雞駭散一時飛過塹並集羌營皆燃因其驚亂

縱兵擊之襄遂摧退

御覽三百二十一又九百十九引無軍震懼至

續要二十一字驅放下無以兵過後四字駭散下無一時二字無未襄遂摧退四字又入百六十八引殷浩北伐江適爲長史適取數百雞以長繩連腳皆繫火一時驅放過塹集

營皆燃焉藝文八十初學記二十五引並
何御覽八百六十八

江適爲侍中時孝宗欲於後園修立池苑適
諫以強賊未滅宜務軍備當存儉約以率羣
下上卽納之御覽四百五十三

江灌

江灌字道羣陳留人僕射彪從子也有才器
與從兄適名相亞仕至尙書中護軍世說賞
譽篇注

江績

江績爲御史中丞旣到職彈奏無所屈撓時

元顥專政多行驕橫續密奏之

書鈔六十二原訛作江繪

殷顥

初仲堪欲起兵密邀顥顥不同楊廣與弟佺期勸殺顥仲堪不肯

世說德行篇注

殷允

允字子思陳郡人太常康第六子恭素謙退有儒者之風歷吏部尙書

世說賞譽篇注

王恭

恭雖才不多而清辯過人

世說賞譽篇注

太原王恭爲中書令領詹事學問清操過人
書鈔六十五

王恭嘗宴於司馬道子室尙書謝石爲吳歌
恭曰居端右之重集宰相之座而放妖俗之
音乎並有慚色 御覽四百九十一

王恭敗單馬奔曲阿不堪久騎兩髀生瘡不
能復去曲阿人殷確 晉書列傳
作殷確 以船載之爲

明浦尉所得

御覽三百七十二

謝安石上疏曰王恭超登清任當虛心乘理

文選任彥升王文憲集序注

王熙

熙字叔和恭次弟尚鄱陽公主太子洗馬早卒

世說雅量篇注

王爽

爽字季明恭第四子也仕至侍中恭事敗贈

太常

世說文學篇注

劉牢之

劉牢之至五橋澤中敗績兵士殆盡牢之馬

超五丈潤得免 御覽七十二

劉牢之屯湖州桓玄至于湖遣牢之族舅何

陸 晉書 說曰今君戰敗則傾宗戰勝亦覆族

欲以是安歸乎孰若翻然改圖唯理是宅則

身與金石等固名與天壤俱窮哉牢之得說

詣玄請降 御覽四百六十二

殷仲堪

殷仲堪少好學能清言善屬文文士咸欽愛
之以孝行稱烈宗聞其名召爲太子中庶子

甚相知悅

御覽二百四十五

殷仲堪上白鹿表曰巴陵縣青水山得白鹿
一頭白者正色鹿者景福嘉義

御覽九百六

仲堪父嘗患疾經時仲堪衣不解帶數年自
分劑湯藥誤以藥手拭淚遂眇一目

世說排
調篇注

孫晷

孫晷字文度吳人少佃於野人有刈其稻者
晷避之既而刈一擔自送與之鄉人感愧終
日屢空怡然自足辟命皆不就妻虞預女也

少稟伯喜

二字疑誤

其安儉約

御覽五百三

原作孫畧又八百三十

九引至避之於野下有時年飢穀貴五字刈上有生字亦作孫畧

顏含

顏含字弘都琅邪人含次嫂樊氏老而失明含奉養必束帶躬親嘗省嫂病須得蚺蛇膽爲藥而求不能得平晝獨坐有一童子持一

青囊授含含開視蛇膽也童子逡巡出戶化

成青鴻飛去得膽藥成嫂病卽愈

御覽四百十六又九

百二十七引顏含嫂病困須鬻蛇膽不能得含憂嘆累日忽有一童子持青囊授含乃蛇

騰也童子化爲青鳥飛去
藝文九十一
同御覽九百二十七
太平廣記四百五十一
六引同御覽九百二十七

琅邪顏含拜右光祿大夫門施行馬賜牀帳
被褥勅大官四時致膳固辭不受於時論者
以王導帝之師傅名位隆重百僚宜爲降禮
太常馮懷以問於含含曰王公雖重禮無偏
敬降禮之言或是諸君事鄙人老矣不識時
務書鈔五十六

何琦

何琦字萬倫遭母憂停柩在殯爲鄰火所逼
烟焰已交家乏僮役計無從出乃匍匐棺所
號哭而已俄而風止火息堂屋一間乃免隨
四百十一

何琦字萬倫養志衡門不交人事豐約與鄉
鄰共之頻徵不起桓温登縣界山喟然嘆曰
此山南有人焉何某真止足也御覽五百三
是據晉書列傳改
止足原作正

吳達

烏程吳逵往經飢饉父母兄嫂及羣從小幼
之親死者十有三人逵亦病篤鄉里咸以葦
裹布而埋之親屬皆盡存者唯逵夫妻而已
家徒四壁晝則傭賃夜還燒磚伐木夜至山
屢遇虎虎下道避之夫妻勤苦期年中成七
墓十三棺鄰里嘉尙其志義葬日悉出助之
太守張崇之義其志行加羔雁之禮命補功
曹吏逵以門寒固辭不受

御覽四百十一

易雄

易雄仕郡爲主簿張昌之亂也執太守萬嗣
將斬之雄對賊爭論曲直賊怒叱使牽雄斬
之雄趨出自若賊又呼問之雄對如初如此
者三賊乃舍之嗣由是獲免雄遂知名

書鈔
卷十

易雄長沙瀏陽人爲春陵令聞王敦作逆護
王承檄至雄馳檄遠近列敦罪惡而于雄
敗績敦得肆暴收雄姑孰以檄示之雄曰
之惜雄位微力弱不能救國難矣用生爲

卽戮得爲忠鬼乃其願也

御覽四百十七

王諒

交州刺史王諒爲州人梁頌所圍城陷頌逼奪諒節諒不與頌遂斷諒右臂諒正色曰死且不畏臂斷何有哉

覽二百六十九

羅企生

企生字宗伯豫章人殷仲堪初請爲府功曹桓玄來攻轉諮議參軍仲堪多疑少決企生深憂之謂其弟遵生曰殷侯仁而無斷事必

無成成敗天也吾當死生以之及仲堪走文
武並無送者惟企生從焉路經家門遵生給
之曰作如此分別何可不執手企生回馬授
手遵生便牽下之謂曰家有老母將欲何行
企生揮淚曰今日之事我必死之汝等奉養
不失子道一門之內有忠有孝亦復何恨遵
生抱之愈急仲堪於路待之企生遙呼曰今
日死生是同願少見待仲堪見其無脫理策
馬而去俄而玄至人士悉詣玄企生獨不往

而營理仲堪家或謂曰玄性猜忌未能取卿
誠節若遂不詣禍必至矣企生正色曰我殷
侯吏見遇以國士不能共殄醜逆致此奔敗
何面目就桓求生乎玄聞怒而收之謂曰桓
遇如此何以見負企生曰使君口血未乾而
生此奸計自傷力劣不能剪定凶逆我死壯
晚耳玄遂斬之時年三十有七衆咸悼之
德行篇注

鄧攸

鄧攸字伯道爲石勒參軍勒過泗水攸與鄉人河東陳嘏平陽馬恬共謀叛勒破車以牛馬負妻子入草中又遇賊掠牛馬去攸語妻曰吾弟早亡惟有一息今當步擔兩兒恐死不如棄我兒抱弟子遺民婦乃從之

十六

鄧攸棄兒於草中兒啼呼追之至暮復及攸明日繫兒於樹而去遂渡江至尚書左僕射弟綏服攸齊衰三年

世說德行篇注

吳隱之

吳隱之字處默濮陽人遭母憂哀毀過禮
與太常韓康伯鄰居隱之每哭康伯母謂
伯曰汝若居銓衡之職當用此輩人及康伯
為吏部尚書因進用之遂歷清顯御覽四百
十二又四
百四十三引處默下有少有孝行四字無
姓
陽人三字鄰居下無隱之每哭四字初學
記十一引吳隱之字處默與太常韓康伯鄰
居隱之母亡每哭康伯母輒涕泣悲不自勝
既而語康伯曰以下同無輩字藝文二十
引吳隱之少有孝行遭母憂哀毀過禮與太
常韓康伯鄰居隱之每哭康伯母輒輟事
淚悲不自勝

吳隱之字處默太元中以國子博士爲太子

右衛率

御覽二百四十七

吳隱之素清操爲廣州刺史州界有水名貪泉父老云飲此者皆使廉士變貪隱之始踐境先至水所酌而飲之因賦詩曰古人云此水一畝懷千金若使夷齊飲終當不易心至

後清操愈厲

書鈔七十一引舊云往廣州

世說德行篇注飲貪泉失廉潔

之性吳隱之爲刺史自酌貪泉飲之題石門爲詩云石門有貪泉引至不易心懷作重初學記十八引同世說注一畝作一飲御覽四百九十二引廣州北界有一水名曰貪

泉父老云飲此水者皆使廉士變貪寰字
記嶺南道廣州南海縣引吳隱之往州飲貪
泉爲廉潔之性

虞喜

虞喜字仲寧好學博古中宗初鎮江左上疏
薦喜公車徵不至司空賀循每一詣喜輒經
信宿云不能測也康帝以爲散騎常侍又不
起永和初將禘太廟應有遞毀徐禪議喜講
焉所著數十萬言御覽五百三

杜夷

民國甲戌

可去盛晉中興書

皇江都朱氏

杜夷字行齊以儒學稱中宗以夷爲丞相祭

酒中興初皇太子凡三至夷舍執經問義御覽

二百三十六

初學記卷十引行齊下作爲

儒林祭酒卽接皇太子至末

書鈔六十七

引杜夷素以儒稱秉操貞素中宗以爲祭酒

徐邈

徐邈字仙民東莞姑幕人也少好學問尤善

經傳烈宗始覽典籍招延禮學之士謝安舉

邈選補中書舍人在西省撰正五經音訓學

者宗之每預顧問輒有獻替多所補益烈宗

甚愛之

御覽二百一十二 初學記十一引

書經傳

徐邈字景山以東州儒素性好學尤

書

以下同選上有應字在西省上有專

學尤善

經傳引至學者宗之謝安上有後將

軍三字

徐邈字仙民建元中爲太子前衛率

御覽三百四十一

入索晉書列傳不載徐邈字御覽作仙民初學記作景山

孔衍

孔衍爲廣陵郡時人爲之寒心而衍不形於色雖郡接西賊猶教授後進不以戎務廢業書鈔七十四

范宣

范宣八歲後園挑菜誤傷指大啼問痛耶答

曰非爲痛身體髮膚不敢毀傷是以啼耳

御覽四百三十二案卽下條以刀傷手之事而傳

聞或異耳范宣陳留人年十歲能誦詩書嘗以刃傷手

捧手改容人問痛耶答曰受全之體而致毀

傷不可處耳少好學手不釋卷博覽衆書善

三禮

御覽三百八十四又三百七十引答曰下有不足爲痛四字受全上有但字不可處耳下作衆人以其年少而異焉無少好學至末

宣家至貧罕交人事豫章太守殷羨見宣茅

茨不完欲爲改室宣固辭庾爰之

庾爰原作羨爰據晉

書改以宣素貧加年飢疾疫厚餉給之又不受
世說德行篇注

范宣少尙隱遁博綜衆書徵辟並不應雖閒

居屢空常研講爲業諷誦之聲有若齊魯御覽

五百二書鈔九十七引范宣少尙隱遁好
學手不釋卷以夜續日博綜衆書

庾東

庾闡父東以勇力聞世祖時西域遣一健胡

御覽三百八十六
趨趨勇果自謂無敵晉人不敢與校世祖募
求勇敢之士唯東應選遂暴投胡勇聞殊俗

庾闡

庾闡有文章才義識者以爲宜綜國史於是
召爲散騎常侍書鈔五十八 藝文四十一
御覽二百二十四引義作
美

闡字仲初潁川人太尉亮之族也少孤九歲
便能屬文遷散騎侍郎領大著作爲揚都賦

邈絕當時五十四卒

世說文學篇注

曹毗

曹毗字輔佐譙國人魏大司馬休會孫也好
文籍能屬辭累遷太學博士尚書郎光祿勳
世說文學篇注

李充

李充字弘度江夏郢人也祖康父矩皆有美
名充初辟丞相掾記室參軍以貧求剡縣遷
大著作中書郎

世說言語篇注

李充字和度爲參軍善刑名

書鈔六十九案和字誤

李充爲大著作郎於時典籍混亂充刪除煩

重以類相從分作四部甚有條貫

書鈔一百一又五十

七引無末四字

御覽二百三十四引四部下作秘閣以爲永制而無甚有條貫四字

李充字弘度母衛氏廷尉展之妹也充少孤

母聰明有訓又善楷書妙參鍾索世咸重之

從兄咸亦善書

御覽七百四十九案晉書碑傳充從兄式

伏滔

伏滔字玄度平昌安邱人少有才學與

大司馬桓溫參軍遷大著作掌國史游擊將

軍卒

世說言語篇注

袁環

環字山甫爲祭酒尚書與國學

書鈔六十七引陳郡袁錄

顧愷之

愷之博學有才氣爲人遲鈍而自矜高爲時

所笑

世說文學篇注

王愷

愷字茂仁歷吳國內史丹陽尹贈太常

世說方正

篇注

布注歷代中興書

褚裒

褚裒字季野河南人也弱冠譙國桓彝見而
目之曰褚季野有皮裏陽秋裒女卽獻后也
徵拜侍中遷尙書裒以后父苦求外出除江
州刺史莅政貞素每崇清約常使私僮樵採
御覽二百五十六又四百四十三引褚季野
翼從弟弱冠至皮裏陽秋日之作異之又四
百九十五引褚裒字季野桓彝目之曰季野
皮裏陽秋書鈔三十八引褚裒爲江州刺
史每崇清約雖居官恒使私僮樵採

褚裒授衛將軍中書令裒以中書銓管詔命

不宜以親居之固讓

藝文四十八
百二十

御覽二

征北大將軍褚裒遣督護王堪

案晉書列傳作徐龜迎

流民軍次岱陂爲石遵所破死傷過半裒還

京聞哭聲甚衆問何哭之多左右曰岱陂之

役也裒恥恨發疾而死

御覽四百八十七

褚裒字季野侍中衛將軍薨贈太傅元穆侯

文選王仲寶褚淵碑文注

王濛

王濛字仲祖恬暢能言名理善隸書與劉惔
為中書郎太宗輔政濛惔並數侍接對號為
入室之賓惔字真長少清峻時人以濛比袁
曜卿以惔比荀奉倩

初學記十一 御覽二
百二十 劉惔並誤作劉

王濛少而不羈不為鄉閭所齒晚節克修遂
有風流美譽與沛國劉惔齊名時人以濛比
袁曜卿惔比荀奉倩

御覽四百七 劉惔誤作
劉恢

王蘊

王蘊字叔仁爲吳興太守時郡荒民飢蘊輒
開倉賑主簿執諫云宜先列表上蘊曰行仁
義而敗者尠矣於是米賑貸賴蘊者十室
而八然後具白表聞朝廷以違科免飢民多
請之詔特左遷晉陵太守

御覽二百六十一

王蘊字仁修

當作叔仁

烈宗將納后訪於公卿僕

州安曰王蘊地望可與國婚定后旣立徵拜
紫金光祿大夫

御覽二百四十三

王蘊以后父徵拜紫金光祿大夫封建昌侯

毋劉氏平樂鄉君

御覽二百二

許詢

高陽許詢字弘度寓居會稽司徒祭謨辟不

起詢有才藻善屬文時人皆欽愛之

文選江文通雜

詩注

許詢能清言於時士人皆欽慕仰羨之

世說言語

雜注

許玄

高陽許詢字玄度丹陽許玄字遠遊並道高

不仕詢有才藻能清言玄山居服食志求仙
道遊會稽臨海山誓不歸家乃與婦書令改
遷後入剡溪山莫知所止或以爲昇仙御覽
五百

三、說郛五十九引道高作清高

任旭

任旭字次龍臨海人立操清儉不染流俗郡
黨蔣秀請爲功曹秀治官貪穢每不奉法旭
正色苦諫秀既不納旭乃謝去閉門講肄養
志而已久之秀坐事被收旭於獄狼狽營救

帝自扶送秀慨嘆曰任功曹直人吾違其讜
言以至於此復何言哉

御覽二百六十四

郭文

郭文舉避亂上餘杭大辟山縣令顧颺親近
文舉歸贈一無所受颺以文山行或須皮衣
與韋袴褶一具文不納使者置衣室中而去

文亦無言袴褶爛於戶內

書鈔一百二十九
御覽六百九十九

五

書鈔無使者以下十八字御覽無親近

孟陋

孟陋字少孤少而貞潔清操絕倫口不言世事少時或漁弋雖家人亦不知所之太宗輔政以爲參軍不起桓溫躬往造焉或謂溫宜引在府溫嘆曰會稽王不能屈非敢擬議也陋聞之曰億兆之人無官者十居其九豈能高尚哉我病疾不堪供相王之命非敢爲高也

都覽五百四

譙秀

桓溫上疏薦譙秀曰竊聞巴西譙秀植彩貞

固抱德肥遯若蒙蒲帛之徵足以鎮靜頽風
軌訓囂俗幽遐仰流九服知化

初學記二十

翟湯

翟湯字道淵尋陽人薦行純素始安太守干
寶與湯通家遣船餉之勅吏云翟公廉讓卽
致書記便委船還湯無人送致乃更貨易絹
物因寄還寶寶本以爲惠而反煩之益愧嘆
焉

御覽四百二十五又八百十七引翟湯字
道淵尋陽人太守干寶遣船餉之至因寄
還寶

翟湯字道淵尋陽人耕而後食凡有饋贈
無所受庾亮薦湯以國子博士徵不起和覽
五百

翟莊

湯子莊字祖休遵湯之操雅好弋釣及長不
復獵人或問莊曰同是害生之物而先生止
去其一何也莊曰獵自我釣自物故先節其
甚者且貪餌吞釣豈我哉時人以爲知言晚
節亦不復釣端坐篔簹門啜菽飲水徵辟皆不

就莊子矯矯子法賜並徵不至世有隱行御覽
五百三

郭翻

郭翻少有志操居貧無業起往古往曰先立
表題經年無主然後乃作將熟有認之者翻
悉推與之藝文六十八

郭翻武昌人安西將將庾翼以帝舅之重躬
往逼翻欲強起之翻曰人性各有所短翼以
翻船狹小欲引就大船翻曰使君不以民鄙

賤而辱臨之此固野人之舟也翼俯屈入其

船中

御覽七百六十八

事類賦十六引安西庾翼以帝舅之尊躬往逼翻欲強起

之翻船狹小引至末

郭翻字長翔不交世事家於臨川唯以漁獵爲娛常以車獵道逢病人以車送之徒步而返庾亮薦公車徵不就乘小船歸武昌庾翼躬往造之以翻船狹小欲引入大船翻曰使君不以民鄙賤而辱臨之此固野人之舟也遂不肯翼便俯屈入其船中終日而去

御覽五百

三書鈔一百三十九引郭翻少有志操不
交世事惟以漁釣射獵爲事嘗以車獵去家
百餘里道中逢一病人以車送之徒步而歸
原郭翻上衍司徒二字

郭翻武昌人墜刀於水路人爲取翻仍以與
之路人不取至於三四固辭翻曰爾尙不取
我豈能復得路人曰我若取此將爲天地鬼
神之所責矣翻知其終不受復沉刀於水路
人悵然乃復沈沒取之沈沒原訛作驚
汲從晉書改翻於
是不逆其意十倍刀價與之其廉不受惠皆
此類也 御覽三百四十五

劉麟之

劉麟之一字遺民

世說任誕篇注

御覽五百四作一字道民疑誤

劉麟之南陽人少有信義去家百餘里有一
獨媪病將死嘆息謂人曰誰當埋我唯有劉
長史耳何由令知麟之先聞其有患故往候
之值其命終乃身爲治棺殯送之其仁愛惻
隱若此

御覽四百十九又五百十四引無南陽人三字

劉麟之字子驥一字道民好遊於山澤志在
存道常採藥至名山深入忘返見有一澗水

南有二石困一困開一困閉或謂困中有仙
方秘藥麟之便欲尋索終不能得桓沖請爲
長史固辭居於岐陽人事往來無不投止麟
之自供給人人豐足凡人致贈一無所受御覽
五百四又四百二十五引劉麟之字子驥志
在逸道居於岐陽凡人致贈一無所受

瞿坑先生

案晉書作瞿硎

太和末有瞿坑先生者不知名姓始居宣城
又有瞿坑因以名焉桓温往視之見先生無
被坐石室神無忤色温命伏滔銘讚之書鈔
一百

五十七太和原作泰元誤寰宇記江南西
道宣州寧國縣引有具剛先生不知姓名住
宣城文脊山

戴逵

逵不遠千里往豫章詣范宣宣見逵異之以

兄女妻焉

世說巧藝篇注

戴逵字安道譙國人少博學好談論善屬文
能鼓琴工書畫其餘巧藝靡不畢綜總角時
以雞卵汁澉白瓦屑作鄭玄碑又爲文手自
刻字文旣綺藻器亦妙絕時人莫不驚嘆知

何法盛晉中興書

補列

其深敏

御覽三百八十四

書鈔

一百二引

戴逵總角至莫不驚嘆刻字作刻之

戴逵字安道少有文藝善鼓琴太宰武陵王

晞聞其能琴使人召焉逵對使者破琴曰戴

安道不爲王門伶人晞怒乃更引其兄述述

亦能樂聞命忻然操琴而往逵不樂當世以

琴書爲娛不遠千里

御覽五百七十七案不遠千里下似有脫文

藝文

四十四引

至王門伶人破琴上有前打

二字事類賦

琴引至忻然操琴而往破琴

上有前字

戴逵字安道少博學能鼓琴總角時以雞子

汗搜瓦屑作鄭玄碑又爲碑文文旣綺藻器
亦妙絕武陵王晞聞其善琴使人召之達於
使者前打破琴曰戴安道不能爲王門伶人
累徵散騎常侍郡縣敦逼乃逃去吳國內史
王詢有別館在虎邱山乃潛住詢山中謝玄
王詢並表達烈宗備禮徵不至 御覽五百四

龔玄之

龔玄之字道玄潛處陋巷未嘗出入公門有
致餉一無所受武陵太守孫放薦玄之詔以

爲散騎常侍郡縣逼苦辭不行前後四徵一
皆不降御覽五百四又四百二十七引至一
無所受無陋巷二字出入作至

陶淡

陶淡字處靜太尉侃之孫一身了然無有同
產齟齬之時雅好導養謂仙道可祈年至十
五六便服食絕穀不婚娶居長沙臨湘縣去
家十里立小草屋裁足容身時還家設小牀
常獨坐不與人共於野得白鹿子馴而養之
至七八歲時恒與之俱往還後遂乃不復還

家

御覽九百六又三百九十三引無大尉至可祈二十六字絕穀下有累千金僮客

百數淡終日端拱十三字不婚娶上有絕字

臨湘縣下有山中二字無去家十里四字無

末於野至還家二十八字事類賦二十三

引陶淡侃之孫雅好導養年十五六便服食

絕穀得白鹿子馴養之常與俱往還家後遂

不復還家說郭五十九引同事類賦得白

鹿子上有於野二字馴下有而字常與下有

之字往還下無家字

陶淡字處靜侃之孫雅好仙道年十五六便

服食於山中立小草窟設小牀獨坐故舊入

山候者輒移渡澗莫得近之本州舉秀才淡

聞遂逃羅縣山中終身不返莫知所終

御覽五百

顏延之

延之爲始安郡道經尋陽常飲淵明舍自晨

達昏及淵明卒延之爲誅極其思致

文選顏延年陶

徵士誄注

淳于智

淳于智字叔平濟北人上黨鮑瑗家多喪疾
貧苦或謂曰淳于叔平神人也何不試就卜
乃令智作卦成曰君宅東北有大桑樹君徑

至市入門數十步當有一人持新馬鞭者就請買還以懸此桑樹三年當暴得財也瑗承其言詣市果得馬鞭懸之正三年後浚井得錢十萬銅鐵雜器復可二十餘萬於是家業用展病者亦愈

御覽四百八十四

于瓚

于瓚以穆帝時爲大將軍誅死

史記集解序索隱

任丞

任丞字士恭爲屯騎校尉位居蕃屏躬處儉

民國甲戌

何法盛晉中興書

夏江都朱氏

約書鈔六十一

補刊

王廣

琅邪王廣字世明多才藝爲東海王越記室
書鈔六十九

郅恢

高平郅恢爲雍州鎮襄陽多所撫恤大得關
隴聞譽誘納降附動以干計書鈔七十二

車允

車允爲廣州刺史居官貪濁書鈔七十二

張敬續

張敬續出補晉陵內史乃立新豐塘萬九千

四尺

書鈔七十四

王祿

太原王祿遷丹陽尹爲政清整

書鈔七十六

楊儉

中興初以邊寇未靖學校陵遲特聽不試孝廉而茂才猶依舊策諸州茂才皆憚不往楊儉猶慷慨恥以銜曜取進終身不仕罷歸田

里書鈔七十九

周鎮

鎮清約寡欲所在有異績

世說德行篇注

孫騰

騰統子也博學歷中庶子廷尉

世說品藻篇注

石虔

石虔有才幹有史學累有戰功仕至豫州刺

史贈後軍將軍

世說豪爽篇注

李軌

李軌字弘範江夏人仕至尚書郎

世說儉嗇篇注

王禹

王禹上言曰貢篚相尋連舟載路

文選王元長三月三

日曲水詩序注

崔悅

崔悅字道儒

文選盧子諒贈崔溫詩注引何法盛晉錄

孔亭

元帝封孔亭爲奉聖侯不食戶邑

御覽二百一

劉寅

劉寅於厭次縣築壘拒石勒勒後執寅以鑊湯煮之

神覽六百四十五

王敦

王敦字處仲尚武帝女襄城公主天下大亂敦將還臺悉以主嫁時侍婢百餘人配給將士金寶一時棄捐

初學記卷十 御覽一百五十二

王敦爲太子舍人滎陽潘滔時爲洗馬見而目之曰處仲蜂目已露但豺聲未振若不噬

人亦當爲人所噬

御覽四百四十二

帝舅王愷嘗置酒王導王敦俱往女妓吹笛

小失聲愷怒便令黃門毆殺之一坐改容敦

神色自若

御覽五百八十 書鈔一百十一 陳補引又一百十二引至改容

事類賦笛引小失聲愷怒作小失愷意未敦 神色自若敦誤作愷

王敦死密不發喪囊尸以席塗之以蠟埋於

齋中諸葛瑤等相縱酒淫樂

御覽七百六十八 又七百九引

王敦死裹以席塗以蠟埋齋中

說郛五十 九引同御覽七百九

周馥

馥周撫孫也字湛隱有將畧曾作敦掾

世說 豪爽

民國甲戌

可去茲香戶與書

皇江都朱氏

篇注

作法在晉中興書

補刊

桓温

桓温父被害温年十五枕戈泣血經年乃提
刀直進手刃讎人

藝文三十三

桓温字元子譙國人爲琅邪王文學後進位

大司空薨

文選庾元規讓中書表注

桓温檄曰幕府不才忝荷戎重

又選同上

李勢盜蜀温伐勢勢出軍戰於柞橋敗面縛

請命

文選同上

桓溫步騎四萬自江陵向關中伐僞立

立立
誤

荊州刺史郭敬進擊青泥皆破之至於灞上
戎首多降居民皆壺漿路側耆老或泣曰不
圖今日復見官軍兵師苻健以五千人守長
安小城時運道艱難而關中大飢溫率衆還
詔遣侍中黃門慰勞於襄陽犒軍十一年溫
進征討大都督司冀諸軍事委以專征之任
溫乃合衆治兵七月率衆伐羌十月溫次伊
水羌帥姚襄來逆軍屯於北遣使詣溫奉身

歸命願勅前鋒小卻當拜伏路左温答曰我自修復中原展敬山林無豫君事欲來相迫何復求卻於是方軌齊進襄率驍勇萬餘人距水前戰温命小弟冲及諸將奮擊襄大敗奔北自相殺害死者數千越北芒而奔走温屯故太極殿前賊周成率衆降温徙入金墻謁先帝諸陵被侵毀者皆繕復之選陵令守護

御覽三百九

温曾爲徐州刺史

世說方正篇注

桓溫授侍中太尉固讓不受旬日之中復

八至輒軒相望於道桓遂親職

御覽二百七

烈宗冲幼桓溫威震内外人情噂喑互生同

異謝安與王坦之盡忠匡翼溫諷朝廷欲

九錫使驍騎將軍袁宏具草時溫已疾篤宏

以呈安安視輒云不好更勾改之使彌歷旬

日至於溫薨錫命遂寢

藝文五十二 御覽二百二

興寧二年桓溫奏省散騎常侍二人復置四

人凡一省文書奏表意異者爲散騎常侍比

於侍中貂璫插右黃初中始置四人出入侍
從與上談議不典事

書鈔五十八案此條疑有訛誤

海西公以平袁真功賜桓溫子偉爲西昌公
御覽二百

韓博

刁彝於桓溫坐嘲韓博曰君是韓盧後博語
曰君是韓盧後溫笑曰刁以君姓韓故相問
耳他自姓刁那得是韓盧後博曰明公未之
思耳短尾者則爲刁也一坐推嘆焉

藝文二
十五

通鑑

遵字道伯溫長子也仕至豫州刺史

世說博悟篇注

桓玄

桓玄與人博奕取其田宅

御覽七百五十四

桓玄字敬道出鎮姑孰大築府第

文選殷仲文南州桓

公九井作注引何法盛玄錄

元興八年桓玄用事出鎮姑孰雖名在外實

遙領尙書事也

書鈔五十九

詔桓玄曰蕃衛王家垂固萬葉

文選顏延年三月三日曲

水詩序注

石法屋辛巳與書

詔加桓玄爲楚王備九錫之禮玄到姑孰朝
臣勸進玄遂篡位

文選殷仲文解尚書表注

桓玄入建康宮逆風迅激旌旗不立法章儀
飾一皆傾偃是月酷寒

說郛五十九

桓玄左右稱玄爲桓詔桓胤諫曰詔者施於
辭令不以爲稱謂也漢魏之主皆無此言願
陛下稽古帝訓令萬世可法玄曰此詔已行
今宜勅罷之

御覽五百九十三

桓玄聞義軍起斬其二將志慮窘塞日與滅
道士推算數厭勝之術

御覽四百八十六

劉道規及下邳太守孟懷玉等與桓玄戰於
崢嶸洲義軍乘風縱火盡銳爭先玄衆大潰
燒輜重夜遁玄故將劉統馮稚等聚黨四百
人掩沒尋陽城建威將軍劉懷肅討平之其
黨自相斬以降玄入江陵太守馮談勸使更
下戰玄欲步出漢川投梁州而入情崩阻不
可復合益州刺史毛璩弟璠卒璩使其從孫

祐之參軍費恬送璠喪葬江陵璠弟子修之
爲玄屯騎校尉玄計窮欲走漢中修之誘以
入蜀遂與石康等乘艦泝江數十里恬與祐
之迎擊玄益州督護馮遷斫玄玄曰是何人
邪敢殺天子遷曰欲殺天子之賊耳遂斬玄
首並石康等五級庾頤之及殿中監萬蓋丁
廂期皆死之玄年三十六原作六十息昇六
歲云我是豫章王諸軍勿見殺遂送至江陵

斬之

御覽三百二十三

孔璞

初桓玄篡位國人有孔璞者奉珍之奔尋陽
義旗旣興歸朝廷仕至太常卿以罪誅

世說
家爽

篇注

杜弼

杜弼大破桂林賊還遇王機於道機勸弼取
交州弼素有志乃握機節曰當相與迭持何
可獨捉機遂以節與之於是機與弼及温邵
劉沉等並反後皆爲陶侃所殺

書鈔一百三
十御覽六

在法盈香可與書

百八十一引王機篡廣州臈王敦來討杜弢
在鬱林與機結好機勸弢取交州弢至執機
節日以下同無於是至並反十三字

王矩 王機兄

王矩字令式美容貌每出行觀者盈路御覽
三百
七十九

王機

廣州人背刺史郭訥迎王機遂入廣州訥乃
持節出機就訥求節訥曰昔蘇武不失節人
以爲美今寧可以與賊乎義不可得相與自

可遣兵來取之機慚而止 御覽六百八十一

祖約

祖約爲丞相從事中郎於府內爲婢所傷司
直劉隗奏約患生婢僕身被刑傷約甚漸恥
遂解職還家 御覽五百 藝文三十五引無
約甚漸恥遂五字

蘇峻

蘇峻作逆與祖渙許柳等將萬餘人出橫江
連船東渡時遇西風旣濟半江中忽更東風
吹船還西岸峻喜曰是天助我固將志也 御覽

七百六十八

孫愿

孫恩敗以囊箠盛嬰兒投之於外而告之曰
賀汝先登仙堂我尋而後就汝

柳覽七百四

孫泰

孫恩者亦名靈秀琅邪人孫秀之族也世奉
事五斗米道恩叔泰字敬遠師事錢塘杜子
恭其弟子子恭有內術嘗就人借瓜刀與正
求之于恭曰當相送刀主行至嘉興有

人齋中破魚得瓜刀其為神效往往如此御覽
三下四十五書鈔一百二十三引孫恩世
事五斗因叔泰師專錢塘杜子恭以下同
內術作異術

劉曜

建興四年劉聰使劉曜寇長安

文選劉越石勸進表注引

何法盛晉書胡錄

秦寧五月大迴風吹劉曜太廟瓦垣外數十
步其欒梁椽桷無離者瓦亦不毀曜素服五
日繕治之御覽七百六十七

石勒

劉曜進兵圍洛陽百餘日不克石勒謂徐光曰曜以疲卒十萬圍堅城今以我初銳擊彼衰怠其勢必舉十二月勒兵四出晝夜兼行六日行千里至洛陽與曜大戰遂執曜

書鈔一百一十二

石勒與李陽相近陽性剛愎每歲與爭漚麻池共相打撲互有勝負勒貴召陽引入言及平生酒酣牽陽肘曰卿年老臂中故有力不

頗復與人鬪邪孤往數得卿老拳卿亦數遭
孤毒手因大笑賞賜甚厚卽日拜陽奉車都
尉除始興太守時有醉胡乘馬徑入府門勒
問門吏馮翊向走馬入門爲是何人而不彈
白翊見問遑遽誤對忘諱向有醉胡乘馬馳
來卽以呵問胡人難與語非小吏所制勒笑
曰胡正自難與言其後章武太守樊坦入辭
居貧衣服甚陋曰樊章武貧邪朝服何以壞
惡坦性疎謬對曰頃遇羯胡資財蕩盡是以

窮弊勒大笑曰羯賊乃爾大忍取君物盡坦

流汗而不敢謝勒賜坦衣怒而不問御覽三

一又九百九十五引石勒昔居與李陽相近

陽性剛復每歲與爭樞麻池共相打撲

文十九引石勒與李陽相近至因大笑又引

勒洽門問至峻有醉胡乘馬徑入府門至胡

正自難可與言

石虎

石虎有所平克不復料其善惡或盡坑斬使

無子遺御覽四百九十二

得閱

冉閔殺石鑿及幸胡數萬人於時有高鼻名鬚者無不濫死

御覽三百七十四

苻健

苻洪第三子健陰圖關中陽使其徒種麥示無西意有微知其計不肯耕種者健殺之後十餘日師衆西行到孟津作浮橋使弟雄步騎五千人入潼關兄子菁入軹關詣河誓曰若事不捷汝死河北我死河南爲鬼無相見

也

御覽四百八十一

藝文八十五引苻健洪

民國甲戌

可去葢晉中興書

夏江都朱氏

苻健凶暴露刃張弓椎鉗鋸鑿殺人之具備
置左右御覽三百四十七又四百九十二七
百六十三

苻堅

苻堅率衆五十萬向壽春謂融曰晉人若知
朕來便一時還南固守長江雖百萬之衆無
所用之今秘吾來令彼不知彼顧江東在此
必當戰若其潰敗求守長江不復可得則吾
事濟矣乃秘不言堅自來於是以小將旗列
屯肥北晉征虜將軍謝石冠軍將軍謝玄輔

國將軍謝琰西中郎將桓伊等並阻水南一時涉渡肥水融曰及晉未成列擊之必克也堅曰不然我長於步彼便於水今捨步入水是以所短擊其所長非良策也可須彼過水一時擊之彼既背水進退無術乃可盡殺然後船舫渡江直指會稽觀禹朝萬國之處不亦樂乎列陣以待晉軍既濟戰於肥北堅被重創三軍潰亂堅馳還良安

御覽三百九

苻朗

苻堅青州刺史苻朗降烈宗詔曰朗深識順
逆望風歸化旣嘉其誠亦簡其才可員外散
騎侍郎并賜給之

御覽二百二十四

王猛

王猛北海人居魏土少貧賤鬻畚爲事嘗至
洛陽貨畚有於市貴買其畚而云無直家近
在此可隨我去取直猛隨去行不覺遠而忽
至深山中此人語猛且住樹下當先啟道君
來須與猛進見一公據胡牀頭髻悉白侍從

十許人有一人引猛云大司馬公可進猛因拜老公公曰王公何緣拜卽十倍償畚直又遣人送猛出山旣出嶺顧視乃嵩山也御覽八十一又二百九四百八十四六百四十四又七十引稍節數字太平廣記二百九十四又截引初學記十八引王猛家貧鬻畚爲事

姚萇

姚萇試諸子謂曰吾有一寶物萬金不易汝等技藝勝者吾以與之諸子皆素好馬欲於父前試之惟畧不動萇以爲賢故越諸兄立

民國甲戌

可去盛尊中其書

夏江都朱氏

為嗣字 御覽入百二

李特

李特入漢州至劍閣顧盼險阻嘆曰劉禪有

如此地而面縛於人豈非庸才也寰宇記劍南東道劍

州劍門縣

李班

後蜀李雄太子班雄寢疾班晝夜省侍衣不

解帶雄自少攻戰大被傷疾自是多膿潰班

為吮膿殊無難色班即雄兄之子也御覽四百十一

北夷

胡者北夷之總名也

御覽七百九十九

北狄

北狄其地南接燕趙北並沙漠東漸九夷西
界六戎世自相君臣不稟中國正朔

御覽入百此見

晉書北狄匈奴傳

胡俗

胡俗以部落爲種類屠各取豪貴

文選邱希範與陳伯

之書注

賚

賚者廩君之苗裔巴氏之子孫相乘土舟而
浮眾異之立爲廩君子孫布列於巴中秦并
天下以爲黔中郡薄其稅賦人出錢四十邑
人謂賦爲賚遂因名從佐高祖平定天下善
歌舞所謂巴渝舞也

寰宇記山南道渠州流
江縣路史國名紀三

引賚廩君後

交趾刺史

漢武時南平百越始置交趾九真日南合浦

用海鬱林蒼梧凡七郡立交阯刺史以州邊
逐山越不賓宜加威重故刺史輒假節七郡
皆加鼓吹御覽五百六十七書鈔一百三
十引無百越始置四字七郡上無
凡字刺史下有以統之三字邊遠下卽接宜
振威重七郡皆假以鼓吹

青城山

青城山續漢郡國志遼東屬國昌遼下注何
法盛晉書有青城山

吳與蜀盟文

吳主孫權與蜀盟文曰天降喪亂皇綱失敘
逆臣承釁劫奪國柄始於董卓終於曹操九

州輻裂普天無繼及曹子丕偷取天位而獻
么麼尋亦凶逆昔共工亂象而高辛行師三
苗干度而虞舜征焉今日滅敵擒其徒黨非
漢與吳將復誰在建大事必先盟誓漢之與
吳雖信由中然分土裂境宜立盟約使東西
士民咸共聞知既盟之後戮力一心同討魏
賊救危恤患分災共慶各守分土無相侵犯
傳之後業克終若始有渝此盟創禍先亂
嗟其師無克祚國

封邑

漢制人君特寵皆賜之封邑

書鈔四十五

博士

博士之職端委佩玉朝之大典必於詢度當

以正道克厭人望然後爲可

御覽二百二十九
書鈔六十

九引至必詢度之

博士之職博習舊聞訓教學徒而已端委佩

玉列爲朝吏入大典

書鈔六十九

令云博士皆取履行清淳通典明義

書鈔六十七

時朝議七廟毀於是徵大學博士用質疑滯
書鈔六十七

郭璞云秦博士典教職禮義所寄也

書鈔六十七

又書鈔一百十七引執朽轡以馭逸馬承
勁風以振秋蓬此二句似是辭賦中語抑
或是詔策尙未檢出原處姑附於此又初
學記二十一引仲尼遂因魯史而書陽秋
皆循理而動著於實錄亦未檢出並附於

此

徵祥說附

日

升平三年十月丙午日中有黑子如卵少時而孝宗崩

開元占經卷六

太和四年十月乙未日中有黑子明年海西

公廢

占經卷六

太興四年三月癸未日中有黑子永昌元年十月辛卯日中有黑子是時中宗有寵劉隗擅權威福殊傷君道王敦兆亂晉陽之舉兵

民國甲戌

何法盛晉中興書

夏江都朱氏

通都輦禍及忠賢故日有瑕也寧康元年十月乙酉日中有黑子如李二年三月庚寅日又有黑子如雞卵二枚十一月乙巳日又有黑子大如雞子是時帝年已長而康獻皇后以從嫂臨朝實傷君道故日有瑕十三年庚子日有黑子大如李十四年二月辛卯日中又有黑子二十年十一月辛卯日中又有黑子是時會稽王以母弟專政故日有瑕也

占經卷六案李武帝寧康止二年所云十三年庚子當屬太元

隆安元年十二月壬辰日暈有背是後帝不親萬機會稽世子元顯專行威罰

占經卷八

義興六年五月丙子日暈有背耳是時盧龍逼京師戰於郊也

占經卷八

成帝咸和五年二月壬戌朔日有食之是時顯宗已長幸司徒第猶出入見王導夫人魯氏如子弟之禮以人君而敬人臣之妻有虧君德九年十月己未朔日有食之是時顯宗冠當親萬機而委任大臣君道有虧

占經卷九

太和三年三月丁巳日有食之五年七月己

酉朔日有食之皆爲內宮被廢之應也

占經卷九

愍帝建興元年十一月先晦二日丙子日有食之十二月惠帝崩於邊境

占經卷九

咸康八年正月己未朔日有食之京都大雨

郡國以聞是謂三朝王者惡之六月而顯宗

崩

占經卷九

升平四年八月辛丑朔日有食之爲明年孝

宗崩之應

占經卷九

星

太白相對熒惑似鬪非鬪留連不退其國若
無兵在外君臣亦無疑忌則其年必水旱不
變五穀收成 占經二十二

二 災感受太白相侵不有病君卽有病臣 占經二十

丙寅春太白填星同敘斗牛之間占者曰吳
越必有賢者興敘而不犯是謂和同和同而
其事罔不濟是時王導爲司馬建幕府招俊

傑願榮卜壺等皆至是其應也 占經二十二

元帝渡江鎮辰太白等四星聚於牛女間 御覽

卷七

太元二十年九月有蓬星粉絮東行歷女虛室及哭星 御覽八百七十五

甘露

甘露降者老得敬則松柏受之尊賢容衆則竹葦受之甘露者仁澤也其凝如脂其美如

飴

初學記卷一 御覽十二引王者敬養者老則甘露降於松柏尊賢容衆以下同又

八百七十一引甘露者仁澤也凝如脂甘如
飴德至於天則降白帖露引王者敬養耆
老則甘露降而松柏受之尊賢容衆則竹葦
受之宋李石續博物志卷一引至竹葦受
之下有一日天酒四字蓋李氏語

甘露者仁澤也人君仁愛萬民澤普四海天
乃應以甘露占經一百

王者德至於天而甘露降尊賢容衆不失細
微則竹葦受之初學記二十八

王者德至天氣感而甘露降郡縣甘露七十
降譙降盱眙方七十五畝藝文九十八有說

風

桓玄入建康宮逆風迅激旗幟飄亡儀飾一
皆傾偃是月酷寒此日尤甚急恒寒若之應
也出遊門外飄風飛其儀蓋御覽八百七十
六書鈔一百
五十六陳補引至酷寒飄亡作不立儀飾上
有法章二字

晉堅三年長安大風堅宮中樹悉拔是歲王
~~皇~~死御覽八百七十六

雷

太興元年十一月京都雷震凡未應雷而雷

皆恒燠也 御覽八百七十六

升平二年十一月雷是時皇太后臨朝政舒
緩 占經一百二 御覽八百七十六

元興三年永安王皇后自巴防陵將設威儀
入宮天大雷震人馬多死 御覽八百七十六
占經一百二引
有訛誤

安帝義熙三年六月霹靂震太廟鴟尾徹壁
柱各有文字 書鈔一百五十二

雨雹

太興二年海鹽雨雹大如鴨子

御覽十四
書鈔一百五

十二引二年作三年鴨子作雞子

太和三年四月雨雹是時海西昏亂相龍朱

寶等淫逆

占經一百一

太元二十一年四月雨雹是時王道子專政

奸佞競進烈宗不能禁絕王室大亂

占經一
百一

雨木冰

太興三年二月雨木冰其後有王敦之難

占
經

一百五

陰霖

咸和四年陰霖五十餘日蘇峻滅後乃霽

卷二 初學記卷二 書鈔一百五十一
占經一百一 御覽十一

霧

太寧元年黃霧四塞王敦之應咸和元年大

霧步武不相免會稽王道子專政之應

占經一百一

御覽八百七十六引至王敦之應黃霧
上有十一月三字

天鳴

太興二年天鳴東南有聲如水相薄二年又

鳴後哀帝廢

御覽卷一

無雪

太元二十年冬無雪亦猶春秋之無冰恒燠之罰也是時任會稽王道子縱酒宴樂不卹政事舒緩之應也

御覽八百七十九

寒

太興四年冬大寒民凍死是時王敦肆亂而天子不能禁任意專殺戮及忠良

古經一百一

八百七十九引至弗能禁

御覽

旱

太和六年夏旱七年秋冬旱是時烈宗仁恕

信任會稽王道子亦舒緩之應

御覽八百七十九原訛作

咸寧

隆安二年冬旱且寒甚四年夏五月秋旱時

孫恩作亂桓玄疑貳內外騷動兵革方興御覽

八百七十九

火

元興元年八月庚子尙書下舍火是時桓玄

用事出鎮姑孰身雖在外實遙領尚書故天
火示不復用也 御覽二百二十

山崩

咸和四年廬山西大巖崩俄而郭默害江州
刺史伏誅 藝文卷六

銅鐘

義熙十一年霍山崩毀出銅鐘六枚上有古
文科斗書人莫能識 初學記十六 御覽五
百七十五引無科斗書
三字

金陵

昔秦始皇東遊望氣者云五百年後東南金陵之地有天子氣於是始皇改爲秣陵塹北山絕其勢今建康卽秣陵西北界所塹卽建康南淮中也按始皇東遊之歲至孫權僭號四百三十七年考之年數旣不合校之基宇又非倫豈應帝王之符而見兆於上代乎有晉金行奄君四海金陵之祥其在斯矣且秦政東遊至今五百二十六年所謂五百年後

當有王者也

藝文九十八

清暑殿

烈宗起清暑殿讖者曰清暑反語楚聲也爲殿以酸楚之聲爲號非吉祥也頃烈宗崩桓

玄自號楚

御覽

一百七十五

說郛五十九

者非之楚聲上無反語二字下無也字無頃烈宗崩四字末作後桓玄篡

屋壞

太興二年吳孫米

疑有誤

無故壞盡貨糴

之屋亦無故壞天戒若曰五穀湧貴無所糴

賣不復須屋時陽亢人大飢餓死者十二三萬占經一百十四

王敦在武昌架屋五間已構五木一宿梁墜地楸在柱上未幾作亂敦滅占經一百十四

元興二年大桁門魯屋自壞桁門者蓋古之雞門都城之門也王者所由出入是孝宗枳默二字警蹕之響未嘗至於雞門而桓玄之難解篡成位也占經一百十四位字疑衍

黃盤龍

民國甲戌可去盛晉中興書 臺江都朱氏

桓玄鎮姑孰屋壁先畫作黃盤龍號盤龍齋
俄而玄敗將軍劉毅居之毅小名盤龍
御覽一百一十五

神鼎

王者德盛則神鼎見神鼎者仁器也不炊而
沸不汲而滿烟燼之氣自然而生世亂則藏
於深山文明則應運而至故禹鑄寶鼎以擬
之成帝咸康八年陽穀民劉珪夜見光取得
鼎一枚此文明之應也

占經一百十四
文七十三引神鼎者

仁器也能息能行不灼而沸不汲而盈煙燭
之氣自然所生也引至擬之御覽七百五
十六引同藝文能息能行上有能輕能重四
字灼作炊而盈作自盈烟燭作細縷專類
賦十六引同御覽

成帝咸和元年春宣城穀山崩得古鼎重三
百斤容可三斗餘羣臣畢賀御覽七百五十六

玉璧

王者不隱其過則玉璧見愍帝建武元年江
寧民虞迪墾地得白玉麒麟璽二枚文曰長
壽萬年安帝義熙十二年左衛兵陳揚於淮

民國甲戌可去蓋首中其書 嘉江都朱氏

水中得玉璽一枚占經一百十四藝文八

玉璧見書鈔一百三十一引義熙十二年

左衛陳陽於府事前淮水中得璽其文曰王

者不隱其過則玉璧見璽也御覽六

百八十一引義熙十二年至得玉璽下有王

者不隱其過則玉璧見璽也十四字揚

作陽

王者不隱其過則玉璧見不斲自成光若月

明御覽八百六

金勝

金勝者仁寶也不琢自成光若冰月四夷賓服則出穆帝永和元年陽穀民得金勝一枚

長五寸狀如織勝後桓溫平蜀四方來服之
應也古經一百十四

金勝一名金稱援神契曰神靈滋液百珍寶

用有金勝晉孝武時陽穀民得金勝一枚長

五寸形如織勝御覽七百十九 書鈔一百

案桓溫平蜀事在永和三年御覽及書鈔引
作孝武時誤

忘設豹尾

海西公初卽位忘設豹尾夫豹尾儀服之主

大人所以豹變也而海西公非可宜忘之天

民國甲戌丁巳春書山莊書 墨江都朱氏

若曰海西凡庸不可以主社稷故忘其豹尾

示不能終也

御覽四百九十又六百八十字引忘設豹尾下有亦服妖也四字

無而海西公非可宜忘之九字

占經一百

十四引忘設豹尾下無豹尾儀服之主七字

大人作聖人而海西公下作豹變之日非所

忘之時天下有戒字若曰下無海西凡庸至

社稷十七字忘其上無故字

十引海西公出秦川忘設豹尾

假髻

太元中公主婦女緩髻假髻以爲盛飾用髮

豐多不可恒戴乃先於籠上扶之名曰假髻

至於貧人不能自辦自號無頭就人借髻後

孫恩桓玄之亂死者萬計被戮之家多亡頭

首至大歛時皆以繩縛菰草爲頭是假髻之

應也

御覽七百十五 書鈔一百三十五引
至名曰假髻桓戴作行戴扶之作裝之

太元中公主婦女束髮緩髻傾髻以爲盛飾

用髮豐多不可恒戴乃先於籠上掖之名曰

假髻或曰假頭至於貧民不能自辦目號無

頭就人借髻亦服之妖也無幾時烈宗晏駕

二十年中兵革不息孫恩之亂刑斬無數桓

玄之役死者萬計被戮之家多亡頭首

御覽七百

六十四

慘頭

太元中人不復著慘頭亦服妖也頭者無親戚起

占經一百十四末六字訛誤

露卵

舊爲屐者齒皆達名曰露卵泰元中忽不復徹名陰卵亦服妖也識者以爲卵謀也必有陰謀烈宗末驃騎將軍袁悅之始有陰謀之事及隆安遂致大亂

御覽六百九十八

羽扇柄

舊爲羽扇柄者刻木以象骨翮用十毛取全數也中興初王敦始改用長柄使其下可捉而減其羽用八識者以爲服妖也柄可使執者國柄之象毛減用八者是羽翮損少而飛羽不終之應也御覽七百二 占經一百十字無服妖也三字作識者以爲柄可使執用一似爲王敦執國柄之象也損少下無而飛羽不終五字事類賦十四引舊羽扇翮用十毛至敦始改用八羽翮損少飛翥不終之兆也

木連理

王者德澤純洽八方同一則木連理連理者
仁木也或異枝還合或兩樹共合建元元年
木連理四一生膏山一生武昌一生汝陰一
生汝陽泰興元年又生武昌藝文九十八
御覽八百七十
三引兩樹共合共合作合共無仁木也三字

嘉禾

王者盛德則嘉禾生嘉禾者仁卉也其大盈
箱一稔二米國政質則同本而異穎國政文

則同穎而異本

御覽七百八十三

王者德盛則嘉禾生仁卉也義興十三年益
縣民宋曜於田中獲嘉禾九穗同本九穗此
州是時羌平六合寧

御覽八百三十九

蒺藜

義熙中城上及御道左右皆生蒺藜亦草妖
也

御覽九百九十七

鳳

戴德揚義背負仁翼挾信心抱忠足履正尾

繫武仁智之禽鵠鷗而龜腹

白帖鳳

白鳶

永和九年吳郡獻白鳶

御覽九百二十三
白帖鳶引永和上有

孝宗二字九年作元年無吳郡二字

鸛

泰元十年鸛巢太極殿東鵠尾

御覽一百八十八

鷗

鷗集太極殿殿非鷗所處鷗湖澤鳥也時蘇

峻作逆宮室被焚

御覽九百二十五

麟

麟者應也蓋與聖爲期應也角上有肉示不傷也占經一百十六

麟麕身牛尾狼頭一角黃色馬足也初學記二十九

御覽八百八十九作麕身誤 事類賦二十九引無一角二字

麒麟者王蟲之長也仁獸也牡曰麒牝曰麟

牡鳴曰遊聖牝鳴曰歸和夏鳴曰扶幼秋鳴

曰助績御覽八百八十九 初學記二十九引無牡曰麒三字助績作養綬

類賦二十引牡鳴曰四句助績作養綬

騶虞

天下太平則騶虞見騶虞者仁獸也狀如白
虎而黑文其尾三倍昔召公化行陝西之
而騶虞應 藝文九十九

白虎

王者仁而不善則白虎見白虎狀如虎而
色爛則風興竊身如雪而無雜者是也
所謂白虎者皆班而虎文爾雅所謂彪虎
也 藝文九十九

白鹿

白鹿者仁獸也明王明惠下及則見色若霜
雪白牝牡不與紫鹿爲羣案周平王時白鹿
見漢章帝西巡日白鹿見於平臨觀占經一
百十六

白麕

中興所在獻白麕藝文九十五 雜畧二

麇

興寧元年十月麇見於東海王宮麇主也將
爲天下主之徵哀帝崩東海王卽位占經一
百十六

白兔

白兔者仁獸也王者尊敬耆老則見

占經一百十六

馬

孝武帝太元十四年六月寧朔州刺史賈統
上言晉寧須池縣此月辛亥有馬二疋出於
河上一白一烏盤戲相逐河水上從卯至巳
乃沒 占經一百十八

恭帝之爲琅邪王好奇戲閉一疋馬於門內
令人射之欲觀幾箭而死左右曰馬國母而

射之不祥甚矣乃止俄而桓玄篡位

御覽八
百九十九

羊

咸和元年司徒府羊產無後足其後蘇峻作

亂占經一百十九

犬

興平二年吳郡府令地中得犬子二頭一雄
一雌太守張懋聞齋內牀下犬子聲地自坼
見有二犬取而養之皆成羸而懋爲江充所

害 占經一百十九

蛇

太寧中武昌有大蛇居神寺神樹上出頭從人受食案京房易妖占曰大蛇見神祠不出三年有大兵國有大憂時王敦作逆

占經一百二十一

蝗

元帝太興二年徐州及揚州之西江郡蝗三年冀州蝗均爲肆暴之徵

占經一百二十一

童謠

降和中謠曰升平不滿斗隆和那得久桓公
入石頭陛下徒跣走哀帝聞而惡之改爲興
寧又謠曰雖復改興寧只自無聊生尋哀皇
中藥不識萬機 占經一百十三

太和童謠曰青青御路楊白馬紫游繯汝
非皇太子那得甘露漿又曰鳳皇生一雛人
見無不喜謂言是馬駒何悟成龍子是時海
西公龍念殿中常侍相龍等爲亂生子男三
人海西公以爲己子將欲立之旣而被廢以

馬縵殺三子三子死南方獻甘露公卿三子
不得嘗焉

占經一百十三公卿上疑脫賜字

童謠云官家養蘆花成荻蘆生不止自成積
是時盧循竊據廣州國未能因而用之是官
養之蘆也

藝文八十二

御覽一千